

საქართველოს საბჭოთა სოციალისტური რესპუბლიკის



უმაღლესი საბჭოს უწყებები

№ 6 (104)

30 ივნისი

1960 წ.

შ ი ნ ა რ ს ი

ნაწილი პირველი

54. ბრძანებულება სსრ კავშირის უმაღლესი საბჭოს პრეზიდიუმისა ავსტრიაში სსრ კავშირის საგანგებო და სრულუფლებიანი ელჩის მოვალეობისაგან ს. გ. ლაპინის განთავისუფლების შესახებ.
55. ბრძანებულება სსრ კავშირის უმაღლესი საბჭოს პრეზიდიუმისა ავსტრიაში სს კავშირის საგანგებო და სრულუფლებიანი ელჩად ვ. ი. ავილოვის დანიშვნის შესახებ.
56. ბრძანებულება სსრ კავშირის უმაღლესი საბჭოს პრეზიდიუმისა სსრ კავშირის მინისტრთა საბჭოს სახელმწიფო სამეცნიერო-ეკონომიური საბჭოს თავმჯდომარის პირველი მოადგილის აშხ. ა. ა. გორგელიადის სსრ კავშირის მინისტრად დანიშვნის შესახებ.
57. ბრძანებულება სსრ კავშირის უმაღლესი საბჭოს პრეზიდიუმისა უზბეკეთის სს რესპუბლიკის სისხლის სამართლისა და სისხლის სამართლის საპროცესო კოდექსების ძალაში შესვლასთან დაკავშირებით დამატებითი ღონისძიებების შესახებ.
58. ბრძანებულება სსრ კავშირის უმაღლესი საბჭოს პრეზიდიუმისა საზოგადოებრივი წესრიგის დამცველი ნებაყოფლობითი სახალხო რაზმის წევრის — ემეკის ტყის მრეწველობის მუშურნობის ტრაქტორისტის ვ. ი. რუდაკოვის წითელი ვარსკვლავის ორდენით დაჯილდოების შესახებ.
59. ბრძანებულება სსრ კავშირის უმაღლესი საბჭოს პრეზიდიუმისა ლენინგრადის ქარხანა „კრასნი ტრუგოლონიკის“ ლენინის ორდენით დაჯილდოების შესახებ.
60. ბრძანებულება სსრ კავშირის უმაღლესი საბჭოს პრეზიდიუმისა სახალხო რაზმელების ა. ე. პრილეპსკის და ვ. ვ. კრამარნეკოს მედლით „მამაცობისათვის“ დაჯილდოების შესახებ. ცნობა სსრ კავშირის უმაღლეს საბჭოში დეპუტატის არჩევნების შესახებ.

ნაწილი მეორე

ბანჟოფილება პირველი

- საქართველოს სსრ მეხუთე მოწვევის უმაღლესი საბჭოს შესამე სესიის მიერ მიღებულ კანონები და დადგენილებები.
61. დადგენილება საქართველოს სსრ უმაღლესი საბჭოს მშრომელთა დეპუტატების ადგილობრივი საბჭოების მუშაობის გაუმჯობესების ღონისძიებათა შესახებ სოფლად სამუშაო და კულტურული მშენებლობის დარგში.



62. კანონი საქართველოს სსრ სსსამართლო წყობილების შესახებ.
63. დადგენილება საქართველოს სსრ უმაღლესი საბჭოსი საქართველოს სსრ სასამართლო წყობილების შესახებ კანონის სამოქმედოდ შემოღების წესის თაობაზე.
64. კანონი საქართველოს სსრ მშრომელთა დეპუტატების საოლქო, რაიონული, საქალაქო, სასოფლო და სადაბო საბჭოს დეპუტატის გაწვევის წესის შესახებ.
65. კანონი „საქართველოს სსრ სამოქალაქო სამართლის საპროცესო კოდექსში ცვლილებების შეტანის თაობაზე“ საქართველოს სსრ უმაღლესი საბჭოს პრეზიდიუმის ბრძანებულების დამტკიცების შესახებ.
66. კანონი „საქართველოს სსრ შინაგან საქმეთა საკავშირო-რესპუბლიკური სამინისტროს საქართველოს სსრ შინაგან საქმეთა რესპუბლიკური სამინისტროდ გარდაქმნის თაობაზე“ საქართველოს სსრ უმაღლესი საბჭოს პრეზიდიუმის 1960 წლის 22 თებერვლის ბრძანებულების დამტკიცებისა და საქართველოს სსრ კონსტიტუციის (ძირითადი კანონის) 55-ე და 56-ე მუხლებში ცვლილებების შეტანის შესახებ.
67. კანონი „საქართველოს სსრ სტატისტიკური სამმართველოს საქართველოს სსრ მინისტრთა საბჭოსთან არსებულ ცენტრალურ სტატისტიკურ სამმართველოდ გარდაქმნის თაობაზე“ საქართველოს სსრ უმაღლესი საბჭოს პრეზიდიუმის ბრძანებულების დამტკიცებისა და საქართველოს სსრ კონსტიტუციის (ძირითადი კანონის) 50-ე მუხლში ცვლილებების შეტანის შესახებ.
68. დადგენილება საქართველოს სსრ უმაღლესი საბჭოსი აშხ. გ. ნ. ჯიბლაძის საქართველოს სსრ განათლების მინისტრის თანამდებობისაგან განთავისუფლების თაობაზე საქართველოს სსრ უმაღლესი საბჭოს პრეზიდიუმის ბრძანებულების დამტკიცების შესახებ.
69. დადგენილება საქართველოს სსრ უმაღლესი საბჭოსი აშხ. თ. ე. ლაშქარაშვილის საქართველოს სსრ განათლების მინისტრად დანიშვნის თაობაზე საქართველოს სსრ უმაღლესი საბჭოს პრეზიდიუმის ბრძანებულების დამტკიცების შესახებ.
70. დადგენილება საქართველოს სსრ უმაღლესი საბჭოსი აშხ. გ. დ. ჟორჯიკაშვილის საქართველოს სსრ მინისტრთა საბჭოსთან არსებულ ცენტრალურ სტატისტიკურ სამმართველოს უფროსად დანიშვნის თაობაზე საქართველოს სსრ უმაღლესი საბჭოს პრეზიდიუმის ბრძანებულების დამტკიცების შესახებ.
71. დადგენილება საქართველოს სსრ უმაღლესი საბჭოსი აშხ. დ. ა. ივაშჩენკოს საქართველოს სსრ უმაღლესი საბჭოს პრეზიდიუმის წევრის მოვალეობისაგან განთავისუფლების შესახებ.
72. დადგენილება საქართველოს სსრ უმაღლესი საბჭოსი აშხ. ი. გ. პავლოვსკის საქართველოს სსრ უმაღლესი საბჭოს პრეზიდიუმის წევრად არჩევის შესახებ.

ბანყოფილება მიორა

73. ბრძანებულება საქართველოს სსრ უმაღლესი საბჭოს პრეზიდიუმისა საქართველოს სსრ დამსახურებული გამომგონებლისა და საქართველოს სსრ დამსახურებული რაციონალიზატორის საპატიო წოდებების მინიჭების შესახებ.
74. ბრძანებულება საქართველოს სსრ უმაღლესი საბჭოს პრეზიდიუმისა ქუთაისის ლ. მესხი-შვილის სახელობის სახელმწიფო დრამატული თეატრის მუშაკათვის საპატიო წოდებების მინიჭების შესახებ.
75. დადგენილება საქართველოს სსრ უმაღლესი საბჭოს პრეზიდიუმისა „სსრ კავშირის უმაღლესი საბჭოს უწყებების“ ქართულ ენაზე გამოცემისა და საქართველოს სსრ უმაღლესი საბჭოს აქტების გამოქვეყნების საქმის გაუმჯობესების თაობაზე“ საქართველოს სსრ უმაღლესი საბჭოს პრეზიდიუმის 1960 წლის 6 აპრილის დადგენილებაში ცვლილებების შეტანის შესახებ.
76. დადგენილება საქართველოს სსრ უმაღლესი საბჭოს პრეზიდიუმისა ადიგენის რაიონის სახალხო მოსამართლის თანამდებობიდან ჰ. ს. გოგოლაძის გაწვევის შესახებ.

ბანყოფილება მისამი

საინფორმაციო ცნობა.



ბრძანებულება სსრ კავშირის უმაღლესი საბჭოს პრეზიდიუმისა

54 ავსტრიაში სსრ კავშირის საგანგებო და სრულუფლებიანი ელჩის მოვალეობისაგან ს. ზ. ლაპინის განთავისუფლების შესახებ

განთავისუფლდეს სერგი გიორგის ძე ლაპინი ავსტრიაში სსრ კავშირის საგანგებო და სრულუფლებიანი ელჩის მოვალეობისაგან სხვა სამუშაოზე გადასვლასთან დაკავშირებით.

სსრ კავშირის უმაღლესი საბჭოს პრეზიდიუმის თავმჯდომარე ლ. ბრეჟნევი.

სსრ კავშირის უმაღლესი საბჭოს პრეზიდიუმის მდივანი მ. გიორგაძე.

მოსკოვი, კრემლი. 1960 წლის 10 ივნისი.

ბრძანებულება სსრ კავშირის უმაღლესი საბჭოს პრეზიდიუმისა

55 ავსტრიაში სსრ კავშირის საგანგებო და სრულუფლებიანი ელჩად ვ. ი. ავილოვის დანიშვნის შესახებ

დაინიშნოს ვიქტორ ივანეს ძე ავილოვი სსრ კავშირის საგანგებო და სრულუფლებიანი ელჩად ავსტრიაში.

სსრ კავშირის უმაღლესი საბჭოს პრეზიდიუმის თავმჯდომარე ლ. ბრეჟნევი.

სსრ კავშირის უმაღლესი საბჭოს პრეზიდიუმის მდივანი მ. გიორგაძე.

მოსკოვი, კრემლი. 1960 წლის 10 ივნისი.

ბრძანებულება სსრ კავშირის უმაღლესი საბჭოს პრეზიდიუმისა

56 სსრ კავშირის მინისტრთა საბჭოს სახელმწიფო სამეცნიერო-ეკონომიური საბჭოს თავმჯდომარის პირველი მოადგილის ამხ. ა. ა. გორეგლიადის სსრ კავშირის მინისტრად დანიშვნის შესახებ

სსრ კავშირის უმაღლესი საბჭოს პრეზიდიუმი ადგენს:

სსრ კავშირის მინისტრთა საბჭოს სახელმწიფო სამეცნიერო-ეკონომიური საბჭოს თავმჯდომარის პირველი მოადგილე ამხ. ალექსი ადამის ძე გორეგლიადი დაინიშნოს სსრ კავშირის მინისტრად.

სსრ კავშირის უმაღლესი საბჭოს პრეზიდიუმის თავმჯდომარე ლ. ბრეჟნევი.

სსრ კავშირის უმაღლესი საბჭოს პრეზიდიუმის მდივანი მ. გიორგაძე.

მოსკოვი, კრემლი. 1960 წლის 11 ივნისი.



57 უზგაპეთის სს რესპუბლიკის სისხლის სამართლისა და სისხლის სამართლის საპროცესო კოდექსების ძალაში შესვლასთან დაკავშირებით დამატებითი ღონისძიებების შესახებ

უზბეკეთის სს რესპუბლიკის უმაღლესი საბჭოს პრეზიდიუმის წარდგინებასთან დაკავშირებით და იმის გათვალისწინებით, რომ სსრ კავშირის უმაღლესი საბჭოს პრეზიდიუმის 1960 წლის 13 იანვრის ბრძანებულებით (სსრ კავშირის უმაღლესი საბჭოს უწყებები, 1960 წ. № 3, მუხლი 25-ე) სსრ კავშირის შინაგან საქმეთა სამინისტრო გაუქმებულია და მისი ფუნქციები გადაეცა მოკავშირე რესპუბლიკების შინაგან საქმეთა სამინისტროებს, სსრ კავშირის უმაღლესი საბჭოს პრეზიდიუმის 1959 წლის 26 დეკემბრის დადგენილების „უზბეკეთის სს რესპუბლიკის სისხლის სამართლისა და სისხლის სამართლის საპროცესო კოდექსების ძალაში შესვლასთან დაკავშირებით ღონისძიებების შესახებ“ (სსრ კავშირის უმაღლესი საბჭოს უწყებები, 1960 წ., № 3, მუხლი მე-16) დამატებით სსრ კავშირის უმაღლესი საბჭოს პრეზიდიუმში ადგენს:

დაევალოს მოკავშირე რესპუბლიკების უმაღლესი საბჭოების პრეზიდიუმებს დაავალონ მოკავშირე რესპუბლიკების შინაგან საქმეთა სამინისტროებს უზრუნველყონ სასამართლოებისათვის, რომლებმაც განაჩენი გამოიტანეს, წარდგენა აუცილებელი მონაცემებისა იმ პირების მიმართ, რომლებიც მსჯავრდებული არიან უზბეკეთის სს რესპუბლიკის ტერიტორიაზე ჩადენილი დანაშაულისათვის და სასჯელს იხდიან სხვა მოკავშირე რესპუბლიკის ტერიტორიაზე.

სსრ კავშირის უმაღლესი საბჭოს პრეზიდიუმის თავმჯდომარე ლ. ბრეშნევი.

სსრ კავშირის უმაღლესი საბჭოს პრეზიდიუმის მდივანი მ. გიორბაძე.

მოსკოვი, კრემლი. 1960 წლის 14 ივნისი.

58 საზოგადოებრივი წესრიგის დაცვის ნაბაჟოფლოგიტი სახალხო რაზმის წევრის — ემეცკის ტყის მრავალჯერადი მფურნავის ტრაპტორისტის ვ. ი. რუდაკოვის წითელი ვარსკვლავის ორდენით დაჯილდოების შესახებ

საზოგადოებრივი მოვალეობის შესრულების დროს გამებდაობისა და მამაცობის გამოჩენისათვის არხანგელსკის ოლქის, ხოლომოგორის რაიონის ემეცკის ტყის მრეწველობის მეურნეობის ტრაპტორისტი ვასილ ივანეს ძე რუდაკოვი დაჯილდოებულ იქნას წითელი ვარსკვლავის ორდენით.

სსრ კავშირის უმაღლესი საბჭოს პრეზიდიუმის თავმჯდომარე ლ. ბრეშნევი.

სსრ კავშირის უმაღლესი საბჭოს პრეზიდიუმის მდივანი მ. გიორბაძე.

მოსკოვი, კრემლი. 1960 წლის 14 ივნისი.

59 ლენინგრადის ქარხანა „კრასნი ტრეუგოლნიკის“ ლენინის ორდენით დაჯილდოების შესახებ

ლენინგრადის ქარხანა „კრასნი ტრეუგოლნიკის“ მუშების, ინჟინერ-ტექნიკურ მუშაკთა და მოსამსახურეთა რეზინის ფენსაცმლის წარმოების გადიდების, ტექნოლოგიური პროცესების ავტომატიზაციისა და შრომატევად სამუშაოთა მექანიზაციის საქმეში დიდი დამსახურების აღსანიშნავად და ქარხნის დაარსებიდან 100 წლისთავის გამო, ლენინგრადის ქარხანა „კრასნი ტრეუგოლნიკი“ დაჯილდოებულ იქნას ლენინის ორდენით.

სსრ კავშირის უმაღლესი საბჭოს პრეზიდიუმის თავმჯდომარე ლ. ბრეჟნევი.

სსრ კავშირის უმაღლესი საბჭოს პრეზიდიუმის მდივანი მ. გიორგაძე.

მოსკოვი, კრემლი. 1960 წლის 17 ივნისი.

60 სახალხო რაზმელების ა. ე. პრილეპსკის და ვ. ვ. კრამარენკოს მედლით „მამაცობისათვის“ დაჯილდოების შესახებ

საზოგადოებრივი წესრიგის დაცვის დროს მამაცობისა და თავდადების გამოჩენისათვის დაჯილდოებულ იქნას:

მედლით „მამაცობისათვის“

1. ალექსი ევდოკიმის ძე პრილეპსკი
2. ვიტალი ვასილის ძე კრამარენკო.

სსრ კავშირის უმაღლესი საბჭოს პრეზიდიუმის თავმჯდომარე ლ. ბრეჟნევი.

სსრ კავშირის უმაღლესი საბჭოს პრეზიდიუმის მდივანი მ. გიორგაძე.

მოსკოვი, კრემლი. 1960 წლის 22 ივნისი.

ც ნ ო ზ ა

სსრ კავშირის უმაღლეს საბჭოში დეპუტატის არჩევნების შესახებ

1960 წლის 19 ივნისს შედგა არჩევნები კავშირის საბჭოში უმანის № 560 საარჩევნო ოლქში.

უმანის № 560 საარჩევნო ოლქიდან დეპუტატად კავშირის საბჭოში არჩეულია ამხ. ანდრია დანილის ძე სკიბა, უკრაინის კპ ცენტრალური კომიტეტის მდივანი.

საქართველოს სსრ მესამე მოწვევის უმაღლესი საბჭოს მესამე
სესიის მიერ მიღებული კანონები და დადგენილებები

დადგენილება საქართველოს სსრ უმაღლესი საბჭოსი

61 მშრომელთა დეპუტატების ადგილობრივი საბჭოების მუშაობის
გაუმჯობესების ღონისძიებათა შესახებ სოფლად სამეურნეო
და კულტურული მშენებლობის დარგში

დიდი ოქტომბრის სოციალისტური რევოლუციის გამარჯვების შედეგად ჩვენი ქვეყნის მუშათა კლასმა მშრომელ გლეხობასთან ერთად კომუნისტური პარტიის ხელმძღვანელობით დაამხო რა კაპიტალისტებისა და მემამულეთა ძალაუფლება, შექმნა საკუთარი სახელმწიფო, საბჭოთა სოციალისტური რესპუბლიკების კავშირი, რომლის პოლიტიკურ საფუძველს შეადგენენ მშრომელთა დეპუტატების საბჭოები.

საბჭოთა ქვეყანამ, ააშენა რა სოციალიზმი და მოამზადა რა საჭირო ბაზა, შევიდა თავისი განვითარების ახალ — კომუნისტური საზოგადოების გაშლილი მშენებლობის ფაზაში, ჩვენი ქვეყნის მშრომელები თავდადებით ასრულებენ სკკპ XXI ყრილობის მიერ დასახულ კომუნისტური საზოგადოების მშენებლობის გრანდიოზულ პროგრამას.

პირველი სოციალისტური სახელმწიფოს — მძლავრი საბჭოთა კავშირის მიერ მოპოვებული არნახული მიღწევები სახალხო მეურნეობისა და კულტურის განვითარების, საშინაო და საგარეო პოლიტიკის ყველა დარგში შედეგია იმ ბრძნული პოლიტიკისა, რომელსაც ატარებს დიდი ლენინის მიერ შექმნილი დიდი კომუნისტური პარტია.

საბჭოთა ხელისუფლების წლებში ყველა მოკავშირე რესპუბლიკებთან ერთად უდიდესი წარმატებები მოიპოვა საქართველომ, რომელიც ჩამორჩენილი ნახევრად კოლონიური, აგრარული პროვინციიდან გადაიქცა თანამედროვე მძლავრი მრეწველობის, მრავალდარგოვანი სოფლის მეურნეობის, ფორმით ეროვნული და შინაარსით სოციალისტური მაღალი კულტურის რესპუბლიკად.

კომუნისტური პარტიისა და საბჭოთა მთავრობის გადაწყვეტილებათა წარმატებით შესრულებისათვის ბრძოლაში უდიდეს მუშაობას ეწევიან მშრომელთა დეპუტატების ადგილობრივი საბჭოები, რომლებიც დღითიდღე აუმჯობესებენ ორგანიზაციულ-მასობრივ მუშაობას, რაზმად მასებს სახალხო მეურნეობის გეგმების შესასრულებლად. უფრო ეფექტურად იყენებენ თავის მუშაობაში დემოკრატიული ცენტრალიზმის ლენინურ პრინციპებს, ზრდიან დეპუტატთა აქტივობას, ამადლებენ მათ პასუხისმგებლობას ამომრჩეველთა წინაშე, ამტკიცებენ კავშირს მასებთან, მეტ ყურადღებას უთმობენ მიღებულ გადაწყვეტილებათა შესრულების შემოწმებას, უკეთ იბრძვიან საზოგადოებრივი წესრიგის დაცვისათვის, მშრომელთა სამართლიანი მოთხოვნილებების დაკმაყოფილებებისათვის და ა. შ.

პარტიულ ორგანიზაციებთან ერთად უდიდესი მუშაობა გასწიეს მშრომელთა დეპუტატების ადგილობრივმა საბჭოებმა სამეურნეო და კულტურულ მშენებლობის საქმეში.

საქართველოს მშრომელებმა, რომლებიც მტკიცედ მიდიან საბჭოთა ხალხების მხარდამხარ, მნიშვნელოვანი წარმატებები მოიპოვეს სახალხო მეურნეობის განვითარების ყველა დარგში და ამით საკუთარი წვლილი შეიტანეს კომუნის მშენებლობის დიად საქმეში.

მრეწველობის საერთო პროდუქციის გამოშვების დონემ გასულ წელს 35-ჯერ და მეტად გადააჭარბა 1913 წლის დონეს, აშენდა ათასობით მსხვილი და წვრილი სამრეწველო საწარმო. შეიქმნა მრეწველობისა და სოფლის მეურნეობის სრულიად ახალი დიდმნიშვნელოვანი დარგები, არნახულად ამიღდა ხალხის ცხოვრების დონე. 1959 წელს რესპუბლიკის მრეწველობის პროდუქციის მატებამ 1958 წელთან შედარებით 9 პროცენტი შეადგინა. ამავე პერიოდში მრეწველობაში შრომის ნაყოფიერება გაიზარდა 6 პროცენტით.

დიდი წარმატებებია მოპოვებული აგრეთვე რესპუბლიკის სოფლის მეურნეობაში.

გასულ წელს რესპუბლიკის მშრომელებმა მოკრიფეს და სახელმწიფოს ჩააბარეს 140 ათასი ტონა ხარისხოვანი ჩაის ფოთოლი, ნაცვლად გეგმით გათვალისწინებული 133 ათასი ტონისა. მნიშვნელოვნად გაიზარდა ყურძნის, ხილის, თამბაქოს, აბრეშუმის პარკის და სხვათა წარმოება. პირუტყვის სულადობის ზრდასთან ერთად გადიდა მისი პროდუქტიულობა.

წინასწარი შედეგები მოწმობენ, რომ მაღალი მაჩვენებლებით სრულდება შედარებით მეორე წლის დავალებები, სერიოზული მუშაობაა ჩატარებული ქალაქებისა და სოფლების მშენებლობის, კეთილმოწყობის, კულტურის, ხელოვნების, სახალხო განათლების, ჯანმრთელობის დაცვისა და სხვა დარგების ხაზით.

ფართოდ გამოეხმაურნენ რესპუბლიკის მშრომელები მახარაძის რაიონის პატრიოტულ თაოსნობას — სოფლად კულტურულ-საყოფაცხოვრებო მშენებლობის სამწლიანი გეგმის შემუშავებისა და განხორციელების საქმეში. მარტო 1958—1959 წლებში კოლმეურნეობათა სახსრებითა და მოსახლეობის შრომითი მონაწილეობით რესპუბლიკაში აშენდა 192 სკოლა, 163 კლუბი, 29 კულტურის სახლი, 13 თეატრი, 111 ბიბლიოთეკა, 109 საავადმყოფო და სამედიცინო პუნქტი, 29 აფთიაქი, 88 აბანო, კოლმეურნეთა 35 დასახელებელი სახლი, შეკეთდა ან ახლად იქნა გაყვანილი 4.608 კილომეტრი გზა, ელექტრიფიცირებულ იქნა 505 და რადიოფიცირებული — 392 სოფელი, 868 კილომეტრზე იქნა გაყვანილი წყალსადენი და შესრულდა სხვა სამუშაოები. კულტურულ-საყოფაცხოვრებო მშენებლობის საქმეში აღებულ ვალდებულებებს პირნათლად ასრულებენ მახარაძის, გორის, ზუგდიდის, ქობულეთის, წითელწყაროს, გურჯაანისა და სხვა რაიონების მშრომელები.

გაუმჯობესდა ადგილობრივი საბჭოების ორგანიზაციულ-მასობრივი მუშაობა. გასულ წელს ადგილობრივი საბჭოების დეპუტატთა 81 პროცენტმა ანგარიში ჩააბარა თავის ამომრჩევლებს, ხოლო საბჭოების აღმასკომების 91,5 პროცენტმა — სესიებს. დიდ მუშაობას ეწევიან საბჭოებთან არსებული მუდმივი

კომისიები, რომელთა მიერაც გასულ წელს სესიებსა და აღმასკომის სხდომებზე გაკეთებულ იქნა 14.700 მეტი თანამოხსენება. კომისიები სისტემატურად ეხმარებიან აღმასკომებს მათ წინაშე მდგარი ამოცანების გადაჭრაში.



ამასთან ერთად საქართველოს სსრ უმაღლესი საბჭო აღნიშნავს, რომ მშრომელთა დებუტატების რიგი ადგილობრივი საბჭო და მისი აღმასკომი ჯერ კიდევ არასაკმარის იბრძვის პარტიის XXI ყრილობის მიერ დასახული ამოცანების შესრულების, ზემდგომ ხელმძღვანელ ორგანოების დადგენილებებისა და საკუთარ გადაწყვეტილებათა განხორციელებისათვის, არადაამკაცოფილებლად ასრულებს მასების ხელმძღვანელის როლს სამეურნეო და კულტურული მშენებლობის საქმეში, რის შედეგად ზოგჯერ ადგილი აქვს სერიოზულ ჩამორჩენებს მუშაობის გარკვეულ უბნებზე.

სწორედ ასეთი მუშაობის შედეგია, რომ სოფლის მეურნეობის პროდუქტების წარმოებისა და მეცხოველეობის განვითარების 1959 წლის ვალდებულებანი ვერ შეასრულეს ლენტეხის, დუშეთის, მარნეულის, ხაშურისა და რიგმა სხვა რაიონმა. არ შესრულდა ადგილობრივი ბიუჯეტის დავალებანი აბაშის, ახმეტის, გეგეჭკორის, ლანჩხუთის, საჩხერისა და ზოგიერთ სხვა რაიონში, ხოლო კულტურულ-საყოფაცხოვრებო მშენებლობის სამწლიანი გეგმების შესრულებაში საგრძნობლად ჩამორჩნენ წალენჯიხის, მცხეთის, წალკის, ჩხოროწყუს, ჩოხატაურის, ახალქალაქის, ოჩამჩირისა და რიგი სხვა რაიონი.

ზოგიერთ რაიონში დაუშვებლად ჭიანჭურდება დაწყებულ მშენებლობათა დამთავრება, ცალკეულ კოლმეურნეობებსა და სოფლებში არ ამთავრებენ რაერთი ობიექტის მშენებლობას, იწყებენ ახალს, რაც იწვევს ძალების, მასალებისა და თანხების დაქსაქსავს. ზოგან ამუშებენ ისეთ ობიექტებს, რომელთა მშენებლობაც არაა ჯერ აუცილებელი, და რომლებზედაც ხარჯთაღრიცხვებიც კი არ არის შედგენილი, მაშინ როცა რიგი საჭირო და აუცილებელი ობიექტების მშენებლობებს გეგმაშიც კი არ ითვალისწინებენ. ბევრგან სათანადო ყურადღებას არ აქცევენ სამშენებლო მასალათა ადგილობრივი რესურსების გამოყენებას, რაც საგრძნობლად აფერხებს და აძვირებს მშენებლობას.

მიუხედავად იმისა, რომ საკოლმეურნეობათაშორისო სამშენებლო ორგანიზაციებმა დადებითი როლი შეასრულეს, ზოგიერთი რაიონის ადგილობრივი საბჭო სათანადო ყურადღებას არ აქცევს მათ მუშაობას. ბათუმის რაიონის საკოლმეურნეობათაშორისო სამშენებლო ორგანიზაციამ 1959 წელს მშენებლობის გეგმა მხოლოდ 48%-ით შეასრულა და 330 ათასი მანეთი იხარალა, ზარალით დაამთავრეს გასული წელი აგრეთვე ცხაკაიას და ჩხოროწყუს საკოლმეურნეობათაშორისო სამშენებლო ორგანიზაციებმა, ხოლო სტალინირის რაიონში ამ ორგანიზაციამ სრული უმოქმედობა გამოიჩინა.

ადგილობრივი საბჭოები და რესპუბლიკის საპროექტო ორგანიზაციები დღემდე არ ზრუნავენ სოფლების განაშენიანებისა და მშენებლობის გენერალური გეგმების შედგენისათვის (ახალქალაქის, წალკის, დმანისის რაიონისა და მათი სასოფლო საბჭოები და სხვ.), რიგ რაიონში უგულვებელყოფენ ტიპურ პროექტებს და საზოგადოებრივი ნაგებობების მშენებლობას აწარმოებენ უპროექტოდ, რაც აძვირებს მშენებლობას, უკარგავს მათ ღირებულებას. ნაკლები ყურადღება ექცევა საყოფაცხოვრებო მომსახურების ობიექტების მშენებლობას.

ზოგიერთი რაიონის კოლმეურნეობები არ იცავენ სასოფლო-სამეურნეო არტელის წესდების მოთხოვნებს, დემოკრატიულ უფლებებსა და მატერიალური დაინტერესების პრინციპებს; ზოგან დაბალია შრომის დისციპლინა და კოლმეურნეთა მონაწილეობა საზოგადოებრივ შრომაში. ქალის შრომის სათანადოდ გამოყენებისათვის ზოგიერთ კოლმეურნეობაში არ არის მოწყობილი საბავშვო დაწესებულება, არსებული დაწესებულებები კი ხშირად ვერ ასრულებენ თავიანთ დანიშნულებას.

რიგ კოლმეურნეობაში საჭირო ყურადღება არ ექცევა სოციალისტური შეჯიბრების გაშლას, მუშაობის მოწინავე მეთოდებისა და მეცნიერების მიღწევათა დანერგვას, ტექნიკის სწორად გამოყენებას, კომპლექსურ მექანიზაციას, აგროტექნიკურ ღონისძიებათა ზუსტად გატარებას, სოფლის მეურნეობის სპეციალიზაციას, მისი დარგების მიზანშეწონილად განლაგებას და ა. შ.

ზოგიერთ რაიონში აღინიშნება ნაკლოვანებანი სახალხო განათლების, კულტურის, ჯანმრთელობის დაცვის, ფიზკულტურისა და სპორტის, კავშირგაბმულობის, ვაჭრობის, ადგილობრივი მეურნეობის, საგზაო მშენებლობისა და სხვა ადგილობრივი ორგანიზაციების, აგრეთვე ნებაყოფლობითი საზოგადოებების მუშაობაში. ყველგან არ ტარდება საჭირო მუშაობა ცხოვრებასთან სკოლის კავშირის განმტკიცებისა და სახალხო განათლების სისტემის შემდგომი განვითარების კანონის შესრულებისათვის; რიგ რაიონში სათანადო სიმაღლეზე არ დგას პოლიტიკური, კულტურული და საგანმანათლებლო მუშაობა, სუსტია ათეისტური პროპაგანდა. ბიბლიოთეკების, კლუბების, კულტურის სახლების, სახალხო თეატრების, რადიოს, კინოსა და კულტურის სხვა დაწესებულებათა მუშაობა მოითხოვს მკვეთრ გაუმჯობესებას.

ეს ნაკლოვანებანი ძირითადად იმის შედეგია, რომ ადგილობრივი საბჭოები და მათი აღმასკომები, რიგ შემთხვევაში ღრმად არ სწვდებიან საქმეს, სწორად არ წარმართავენ მათდამი დაქვემდებარებული ორგანიზაციების მუშაობას, არ აკონტროლებენ მათ, ქმედით ზომებს არ ღებულობენ შემჩნეულ ნაკლოვანებათა გამოსასწორებლად. რიგ რაიონში სუსტია ადგილობრივი საბჭოების ორგანიზაციულ-მასობრივი მუშაობა, საბჭოების კავშირი ხალხთან. დებუტატები და აქტივი სათანადოდ არ არიან მობილიზებული საბჭოს წინაშე მდგომი ამოცანების გადასაწყვეტად. ზოგ შემთხვევაში ირღვევა კონსტიტუციური ნორმები, დემოკრატიზმის პრინციპები, სესიების ჩატარების ვადები. ზოგიერთი საბჭოს დებუტატები იშვიათად ხვდებიან თავიანთ ამომრჩეველებს და არ აბარებენ მათ ანგარიშებს. მიუხედავად მუდმივი კომისიების მუშაობის გაუმჯობესებისა მათი საგრძნობი ნაწილი უმოქმედობს.

ზოგიერთი აღმასკომი სათანადოდ არ იყენებს მინიჭებულ უფლებებს, ოპერატიულად არ ხელმძღვანელობს საქმეს და სხდომებზე განსახილველი საკითხების რაოდენობით არის გატაცებული; იშვიათად აწყობს მიღებულ გადაწყვეტილებათა შესრულების შემოწმებას. ზოგჯერ ღებულობს ისეთ გადაწყვეტილებებს, რომლებიც აღემატებიან მის ფუნქციებსა და უფლებებს, ხოლო პროკურატურის ორგანოები საჭირო ზედამხედველობას არ უწყევენ მას.

რიგი ადგილობრივი საბჭოს აღმასკომი საჭირო ყურადღებას არ უთმობს საბჭოთა კანონიერებისა და სოციალისტური საერთო ცხოვრების წესების



დარღვევათა წინააღმდეგ ბრძოლაში საზოგადოებრიობის როლის ამაღლების
 საკითხებს, ამხანაგური სასამართლოებისა და საზოგადოებრივი წესრიგის დაცვის
 ვის სახალხო რაზმეულების მუშაობას. რიგ საბჭოს აღმასკომთან არსებულ
 აღმინისტრაციული კომისია ხშირად სრულ უმოქმედობას იჩენს.

საქართველოს საბჭოთა სოციალისტური რესპუბლიკის უმაღლესი საბჭო
 ადგენს:

1. დაველოს საქართველოს სსრ მინისტრთა საბჭოს, აფხაზეთისა და აჭარის
 ასსრ მინისტრთა საბჭოებს, სამხრეთ ოსეთის ავტონომიური ოლქის მშრომელთა
 დეპუტატების საბჭოს აღმასკომს, რაიონულ, სასოფლო და სადაბო საბჭოების
 აღმასკომებს, აგრეთვე თბილისის, ქიათურისა და ფოთის საქალაქო საბჭოების
 აღმასკომებს გადაჭრით გააუმჯობესონ მუშაობა სოფლად სამეურნეო და კულ-
 ტურული მშენებლობის გაძლიერებისა და ამ საქმეში საბჭოების ხელმძღვანელი
 როლის ამაღლებისათვის; ამასთან დაკავშირებით:

1. პარტიისა და მთავრობის მითითებათა შესაბამისად განსაკუთრებული
 ყურადღება მიაქციონ კოლმეურნეობათა შემდგომ სამეურნეო და ორგა-
 ნიზაციულ განმტკიცებას, მათი ეკონომიკის ამაღლებას, უზრუნველყონ სა-
 კოლმეურნეო წესდების განუხრელად დაცვა, დარაზმონ ფართო მასები შვიდ-
 წლედის დავალებათა ვადაზე ადრე და გადაჭარბებით შესასრულებლად. მიიღონ
 ყველა საჭირო ზომა სოფლის მეურნეობის პროდუქტების წარმოების გასაღი-
 დებლად, შრომის ნაყოფიერების ასამაღლებლად და თვითღირებულების შესამ-
 ცირებლად; მაქსიმალურად დატვირთონ და რაციონალურად გამოიყენონ ტექ-
 ნიკა, ვაატარონ აგროტექნიკური და სხვა საჭირო ღონისძიებანი, გაზარდონ
 მეცხოველეობის სულადობა და მისი პროდუქტიულობა, მიადწიონ, რომ ყველა
 შრომისუნარიანი წევრი აქტიურად მონაწილეობდეს საკოლმეურნეო შრომაში
 და ასრულებდეს შრომადღებების გამომუშავების სავალდებულო მინიმუმს;
 ქალთა შრომის უკეთ გამოყენების მიზნით კოლმეურნეობებში ფართოდ გაშა-
 ლონ საბავშვო დაწესებულებათა ქსელი, ჩაატარონ საჭირო მოსამზადებელი მუ-
 შაობა და უმოკლეს დროში გადადგან პრაქტიკული ნაბიჯი სუსტ და მცირეძა-
 ლოვან კოლმეურნეობათა გასამსხვილებლად.

2. განახორციელონ დამატებითი ღონისძიებანი სოფლად კულტურულ-საყო-
 ფაცხოვრებო მშენებლობის გეგმების დროზე და ხარისხიანად შესრულებისათ-
 ვის. არ დაუშვან უგეგმო და უპროექტო მშენებლობანი, ზედმეტობანი, მასა-
 ლებისა და თანხების დაქსაქსვა ან უყაირათო ხარჯვა, მაქსიმალურად გამოიყე-
 ნონ მშენებლობისათვის ადგილობრივი რესურსები. ფართოდ დანერგონ მშე-
 ნებლობაში მოწინავე, ინდუსტრიული მეთოდები. პირველ რიგში ყურადღება
 მიაქციონ აუცილებლად საჭირო ობიექტების, მათ შორის წყალსადენის, სკო-
 ლების, საბავშვო დაწესებულებების, აბანოს, ჯანმრთელობის დაცვის კერე-
 ბის, გზების, ხიდების, კლუბ-ბიბლიოთეკების, საზოგადოებრივი პირუტყვის
 სადგომებისა და საყოფაცხოვრებო ობიექტების (სამკერვალო და სარემონტო
 სახელოსნო, საპარიკმაწერო, პურის საცხობი, სასადილო და სხვ.) მშენებლობას
 იზრუნონ სოფლების გეგმიანად განაშენიანებისათვის. გეგმიურად აშენონ არ-
 მარტო საზოგადოებრივი ნაგებობანი, ქუჩები, გზები და სხვ., არამედ ინდივი-

დუალური საცხოვრებელი სახლებიც. ფართოდ გამოიყენონ მშენებლობაში ტიპური პროექტები.

განამტკიცონ საკომეურნეობათაშორისო სამშენებლო ორგანიზაციები; ყველა პირობა შეუქმნან მათ ნაყოფიერი მუშაობისათვის. სერიოზული ყურადღება მიაქციონ ადგილობრივი მშენებელი კადრების მომზადებას.

3. განუხრელად განახორციელონ კანონი ცხოვრებასთან სკოლის კავშირის განმტკიცებისა და სახალხო განათლების სისტემის შემდგომი განვითარების შესახებ. განსაკუთრებული მზრუნველობა გამოიჩინონ ახალგაზრდობის კომუნისტური სულისკვეთებით აღზრდისადმი. უზრუნველყონ სკოლები, პირველ რიგში სკოლა-ინტერნატები სათანადო შენობებით, განამტკიცონ მათი მატერიალური ბაზა. დააკომპლექტონ სკოლები შესაფერისი პედაგოგიური კადრებით და შეუქმნან მათ მუშაობისა და ცხოვრების ნორმალური პირობები.

4. გარდაქმნან და ყოველმხრივ გააუმჯობესონ სოფლის კულტურულ-საგანმანათლებლო დაწესებულებათა (კლუბების, ბიბლიოთეკების, სამკითხველოების, კულტურის სახლებისა და სხვ.) მუშაობა. უზრუნველყონ ისინი სათანადო კადრებით. რეგულარულად მოაწყონ მოსახლეობისათვის კინო-სურათების და თეატრალური დადგმების ჩვენება; სისტემატურად ჩაატარონ მოსახლეობაში ლექცია-მოსხენებები საერთაშორისო მდგომარეობის შესახებ, მეცნიერების განვითარებისა და კომუნიზმის მშენებლობის აქტუალურ თემებზე, განსაკუთრებული ყურადღება დაუთმონ საუბრებში სოფლის კონკრეტული ამოცანების გაშუქებას, წარსულის მავნე გადმონაშთების წინააღმდეგ ბრძოლას, ათეისტურ პროპაგანდას.

5. ყოველგვარი ზომები ძიილონ მოსახლეობის ჯანმრთელობის დაცვის საქმის გასაუმჯობესებლად, უზრუნველყონ სამკურნალო-პროფილაქტიკური ღონისძიებების გატარება, მიაღწიონ ინფექციურ დაავადებათა მაქსიმალურ შემცირებას, მიაღწიონ სოფლებსა და ყველა დასახლებულ პუნქტში სანიტარული მდგომარეობის გაუმჯობესებას, ყოველმხრივი დახმარება აღმოუჩინონ რაიონებს სამკურნალო დაწესებულებათა მშენებლობაში, აგრეთვე მათი კადრებით დაკომპლექტების საქმეში.

6. მეტი ყურადღება მიაქციონ ვაჭრობის, ფიზიკური კულტურისა და სპორტის, კავშირგაბმულობის, რადიოს და ადგილობრივი მეურნეობის მკვეთრად გაუმჯობესების საკითხებს. უზრუნველყონ სავაჭრო ქსელის გაფართოება, გააუმჯობესონ მოსახლეობის მომარაგება პირველი მოთხოვნილების საგნებით; უზრუნველყონ ბიუჯეტისა და საფინანსო გეგმების შესრულება და ჭარბი შემოსავლების სწორად განაწილება.

განსაკუთრებით გააძლიერონ ზრუნვა სავაჭო მშენებლობისა და დასახლებული პუნქტების კეთილმოწყობისათვის.

7. ბუნების დაცვის ნებაყოფლობით საზოგადოებასთან ერთად გააძლიერონ მუშაობა ბუნების დაცვის საქმეში, გაატარონ საჭირო ღონისძიებანი ტყეების, ნაკრძალებისა და მწვანე ნარგავების დაცვის, მოვლა-პატრონობისა და გაშენებისათვის, უზრუნველყონ საქართველოს მდიდარი სასარგებლო ფაუნისა და ბუნებრივ წყალსაცავებში თევზის დაცვა-მოშენება; გააძლიერონ ბრძოლა ბრაკონიერობის წინააღმდეგ.



ყოველმხრივ შეუწყონ ხელი კულტურის ძეგლთა დაცვის ნებაყოფლობით საზოგადოებს ისტორიული ძეგლების დაცვის საქმეში.

II. დაევალოს საქართველოს სსრ სოფლის მეურნეობის სამინისტროს დიდი დახმარება გაუწიოს რაიონებს სასოფლო-სამეურნეო პროდუქტების წარმოებასა და საკოლმეურნეო მშენებლობაში, სოფლის მეურნეობის სპეციალიზაციისა და დარგების მიზანშეწონილად განლაგების საქმეში, მეცნიერებისა და ტექნიკის მიღწევათა ფართოდ დანერგვაში, მოწინავეთა გამოცდილების ვაზიარება-გავრცელებაში, ტექნიკით აღჭურვასა და მის სწორად გამოყენებაში, კომპლექსური მექანიზაციის გატარებასა და შრომის ნაყოფიერების ამაღლებაში; აღრიცხვის, საფინანსო ანგარიშსწორების, აგრეთვე დაგეგმვის საქმის გაუმჯობესებაში, გამომუშავების ნორმების სწორად შემუშავებასა და სხვა საკითხებში. განსაკუთრებული ყურადღება მიაქციოს სოფლის ელექტრიფიკაციის საქმეს, აუცილებლად შეასრულოს არა მარტო საკოლმეურნეო წარმოების ცალკეული დარგების ელექტრიფიკირების გეგმები, არამედ ფართო მუშაობა გამალოს სოფლებისა და კოლმეურნეთა სახლების ელექტრიფიკირებისათვისაც.

III. დაევალოს საქართველოს სსრ განათლების, კულტურისა და ჯანმრთელობის დაცვის სამინისტროებს, საქართველოს სსრ მინისტრთა საბჭოს უმაღლესი და საშუალო სპეციალური განათლების სახელმწიფო კომიტეტს, საქართველოს სსრ სპორტული საზოგადოებებისა და ორგანიზაციების კავშირს, პოლიტიკური და მეცნიერული ცოდნის გამავრცელებელ და ბუნების დაცვის ნებაყოფლობით საზოგადოებებს გააძლიერონ სოფლად მუშაობა, უფრო ახლო ურთიერთობა იქონიონ სოფლის ფართო მასებთან. არა ეპიზოდურად, არამედ სისტემატურად აწარმოონ პოლიტიკურ-საგანმანათლებლო მუშაობა ხალხში, აღზარდონ მოზარდი თაობა კომუნისტური სულისკვეთებით, დაუნდობელი ბრძოლა გამოუტყვადონ წარსულის ყველა მავნე გადმონაშთს, რომლებიც ხელს უშლიან სოციალისტური სამშობლოს წინსვლას ნათელი მომავლისაკენ.

IV. დაევალოს საქართველოს სსრ სახალხო მეურნეობის საბჭოს, საქართველოს სსრ მინისტრთა საბჭოს სახელმწიფო საგეგმო კომისიას, ადგილობრივი მეურნეობის, მშენებლობის, საავტომობილო ტრანსპორტის, კავშირგაბმულობისა და წყალთა მეურნეობის სამინისტროებს, საქართველოს სსრ მინისტრთა საბჭოს მშენებლობისა და არქიტექტურის სახელმწიფო კომიტეტს, საქართველოს სსრ მინისტრთა საბჭოსთან არსებულ კოლმეურნეობებში მშენებლობის ორგანიზაციის მთავარ სამმართველოს, სატყეო მეურნეობის, ნაკრძალებისა და სამონადირეო მეურნეობის მთავარ სამმართველოს, გზატკეცილების მთავარ სამმართველოს და ცეკავშირის გამგეობას მკვეთრად გააუმჯობესონ დახმარება საკოლმეურნეო სოფლებისადმი იქ წარმოებული მშენებლობის, მათი კეთილმოწყობისა და მოსახლეობის მოთხოვნილებათა დაკმაყოფილებისათვის, განსაკუთრებული ყურადღება მიაქციონ მთიანი რაიონებისა და შედარებით ჩამორჩენილი სოფლებისადმი დახმარებას.

V. დაევალოს საქართველოს სსრ პროკურატურას, შინაგან საქმეთა სამინისტროსა და რესპუბლიკის სასამართლო ორგანოებს გააძლიერონ მუშაობა საზოგადოებრივი წესრიგის დაცვის უზრუნველსაყოფად, საბჭოთა კანონიერების განუხრელი განხორციელებისათვის. საზოგადოებრივი წესრიგის დაცვა

საქმეში ფართოდ ჩააბან ადგილობრივი საბჭოების დეპუტატები, აქტივი მოსახლეობა. ამასთან კანონით გათვალისწინებულ ზომებთან ერთად წესდებოდა დამრღვევთა მიმართ ფართოდ გამოიყენონ საზოგადოებრივი ზემოქმედების მეთოდები, აღმზრდელიობითი ღონისძიებანი, რაშიც მნიშვნელოვანი როლი უნდა შეასრულონ ამხანაგურმა სასამართლოებმა და სხვა ნებაყოფლობითმა საზოგადოებებმა.

VI. დაევალოს საქართველოს სსრ სასოფლო, სადაბო და რაიონული საბჭოების აღმასკომებს:

1. საფუძვლიანად გარდაქმნან და სრულყოფნაში ორგანიზაციულ-მასობრივი მუშაობის ფორმები და მეთოდები. გააძლიერონ მასებთან კავშირი, მტკიცედ დაიცვან დემოკრატიული ცენტრალიზმის ლენინური პრინციპები, სრულად გამოიყენონ მათთვის მინიჭებული უფლებები.

2. უზრუნველყოფნ სასოფლო, სადაბო და რაიონული საბჭოების სესიების დაწესებულ ვადებში მოწვევა, სესიებისა და აღმასკომების სხდომების მაღალ დონეზე ჩატარება, საკითხების მომზადებასა და განხილვაში ფართო მონაწილეობა მიაღებინონ მუდმივ კომისიებს, დეპუტატებსა და აქტივს, ფართოდ გაშალონ პრინციპული კრიტიკა და თვითკრიტიკა, მიაღწიონ, რომ საბჭოებისა და აღმასკომების გადაწყვეტილებანი იყოს კონკრეტული და რომ ისინი სრულდებოდეს უყოყმანოდ. ამ მიზნით სისტემატურად მოაწიონ მიღებულ გადაწყვეტილებათა შესრულების შემოწმება, გაზარდონ მათდამი დაქვემდებარებული ორგანიზაციებისა და კადრებისადმი მომთხოვნელობა, აამაღლონ მათი პასუხისმგებლობის გრძნობა. დაწესდეს, რომ ყოველ სესიაზე აღმასკომი მოახსენებდეს დეპუტატებს, თუ როგორ შესრულდა წინა სესიაზე მიღებული გადაწყვეტილებანი.

3. სისტემატურად მოაწიონ დეპუტატების ანგარიშგება ამომრჩეველთა, ხოლო აღმასკომებისა—საბჭოს სესიებისა და მოსახლეობის წინაშე, საბჭოებისა და აღმასკომის გადაწყვეტილებანი გააცნონ ფართო მასებს პრესის, რადიოს, დეპუტატებისა და აქტივის საშუალებით.

4. მეტი გულისხმიერება გამოიჩინონ მშრომელთა საჩივრების, წერილებისა და წინადადებებისადმი, დაუნდობელი ბრძოლა აწარმოონ აპარატში ბიუროკრატიზმის, საქმის გაჭიანურებისა და სხვა მახინჯი მოვლენების წინააღმდეგ.

VII. საქართველოს საბჭოთა სოციალისტური რესპუბლიკის უმაღლესი საბჭო თვლის, რომ:

1. ავტონომიური რესპუბლიკების უმაღლესი საბჭოების პრეზიდიუმებისა და მინისტრთა საბჭოების, აგრეთვე მშრომელთა დეპუტატების სამხრეთ ოსეთის ავტონომიური ოლქის საბჭოს აღმასკომისა და რაიონული საბჭოების აღმასკომების მხრივ სასოფლო და სადაბო საბჭოებს არასაკმაო ხელმძღვანელობა და დახმარება ეწევათ და ავალებს მათ გამოასწორონ ეს ნაკლი უმოკლეს ვადაში.

2. სუსტად წარმოებს რესპუბლიკაში ადგილობრივი საბჭოებისა და მათი აღმასკომების მუშაობის პოპულარიზაცია, დადებითი მუშაობის მეთოდების განზოგადება და გავრცელება, აგრეთვე აღმასკომების (კერძოდ სასოფლო საბჭოების) ხელმძღვანელი კადრების გადამზადება და მათი ცოდნის ღონის ამაღლება. ნაკლებად ეწყობა საბჭოების ხელმძღვანელ მუშაკთა სემინარები და თათბირები.



ცოტა იბეჭდება საბჭოების მუშაობის ამასხველი ლიტერატურა, სრულიად არასაკმარისად აქვეყნებენ მასალებს საბჭოების მუშაობაზე რესპუბლიკის ზეობები და ჟურნალები.

საქართველოს სსრ უმაღლესი საბჭოს პრეზიდიუმმა და საქართველოს სსრ მინისტრთა საბჭომ გაატარონ საჭირო ღონისძიებანი ამ ნაკლოვანებების გამოსასწორებლად.

3. გამოცდილებამ გვიჩვენა, რომ სასოფლო საბჭოების გამსხვილებამ ხელი შეუწყო მათი მუშაობის გაუმჯობესებას, აქედან გამომდინარე საქართველოს სსრ უმაღლესი საბჭო ავალებს მინისტრთა საბჭოს მოამზადოს და შემოიტანოს საქართველოს სსრ უმაღლესი საბჭოს პრეზიდიუმში განსახილველად საკითხი საბჭოების გამსხვილების შესახებ.

* * *

საქართველოს სსრ უმაღლესი საბჭო იმედს გამოთქვამს, რომ რესპუბლიკის მშრომელთა დეპუტატების საბჭოები პარტიული ორგანიზაციების ხელმძღვანელობით გადაჭრით გააუმჯობესებენ მუშაობას და სასახელო გამარჯვებებს მოიპოვებენ კომუნისტური საზოგადოების მშენებლობაში, ღირსეულად შეხვდებიან თავიანთ ეროვნულ დღესასწაულს, საქართველოში საბჭოთა ხელისუფლების დამყარების 40 წლისთავს.

საქართველოს სსრ უმაღლესი საბჭოს პრეზიდიუმის თავმჯდომარე **ბ. ძიწვანიძე**.

საქართველოს სსრ უმაღლესი საბჭოს პრეზიდიუმის მდივანი **ზ. ბელდიუზვილი**.

ქ. თბილისი, 1966 წლის 25 ივნისი.

კ ა ნ ო ნ ი

62 საქართველოს სსრ სასამართლო წყობილების შესახებ

თ ა ვ ი ი

ზოგადი დებულებანი

მუხლი 1. სასამართლო სისტემა

საქართველოს სსრ კონსტიტუციის 117 მუხლის შესაბამისად მართლმსაჯულებას საქართველოს სსრ-ში ახორციელებენ საქართველოს სსრ უმაღლესი სასამართლო, აფხაზეთის ასსრ და აჭარის ასსრ უმაღლესი სასამართლოები, სამხრეთ ოსეთის ავტონომიური ოლქის სასამართლო, რაიონული (საქალაქო) სახალხო სასამართლოები.

მუხლი 2. მართლმსაჯულების მიზნები

მართლმსაჯულება საქართველოს სსრ-ში მოწოდებულია დაიცვას ყოველგვარი ხელყოფისაგან:

ა) სსრ კავშირის კონსტიტუციით, საქართველოს სსრ კონსტიტუციით, აფხაზეთის ასსრ და აჭარის ასსრ კონსტიტუციებით განმტკიცებული საზოგადოებ-

რივი და სახელმწიფოებრივი წყობილება, მეურნეობის სოციალისტური სისტემის და სოციალისტური საკუთრება;

ბ) მოქალაქეთა პოლიტიკური, შრომითი, საბინაო და სხვა პირადი და ქონებრივი უფლებები და ინტერესები, რომლებიც გარანტირებულია სსრ კავშირის კონსტიტუციით, საქართველოს სსრ კონსტიტუციით და აფხაზეთის ასსრ და აჭარის ასსრ კონსტიტუციებით;

გ) სახელმწიფო დაწესებულებების, საწარმოების, კოლმეურნეობების, კოოპერაციული და სხვა საზოგადოებრივი ორგანიზაციების უფლებები და კანონით დატული ინტერესები.

საქართველოს სსრ მართლმსაჯულების ამოცანაა უზრუნველყოს ყველა დაწესებულების, ორგანიზაციის, თანამდებობის პირისა და მოქალაქის მიერ საბჭოთა კანონების ზუსტად და განუხრელად შესრულება.

მუხლი 3. სასამართლოს ამოცანები

სასამართლო მთელი თავისი საქმიანობით ზრდის მოქალაქეებს სამშობლოსა და კოპუნეზმის საქმისადმი ერთგულების სულისკვეთებით, საბჭოთა კანონების ზუსტად და განუხრელად შესრულების, სოციალისტური საკუთრებისადმი მზრუნველობით მოპყრობის, შრომის დისციპლინის დაცვის, სახელმწიფოებრივი და საზოგადოებრივი მოვალეობისადმი პატიოსანი დამოკიდებულების, მოქალაქეთა უფლებების, პატივისა და ღირსებისადმი, სოციალისტური საერთო ცხოვრების წესებისადმი პატივისცემის სულისკვეთებით.

სისხლის სამართლის სასჯელის ღონისძიებათა გამოყენებით სასამართლო არა მარტო სჯის დამნაშავეებს, არამედ აგრეთვე მიზნად ისახავს მათ გამოსწორებას და ხელახლა აღზრდას.

მუხლი 4. მართლმსაჯულების განხორციელება სასამართლოს მიერ სამოქალაქო და სისხლის სამართლის საქმეთა განხილვის გზით

მართლმსაჯულება საქართველოს სსრ-ში ხორციელდება:

ა) სასამართლო სხდომებზე სამოქალაქო სამართლის საქმეთა იმ დავის განხილვისა და გადაწყვეტის გზით, რომელიც ეხება მოქალაქეების, სახელმწიფო საწარმოების, დაწესებულებების, კოლმეურნეობების, კოოპერაციული და სხვა საზოგადოებრივი ორგანიზაციების უფლებებსა და ინტერესებს;

ბ) სასამართლო სხდომებზე სისხლის სამართლის საქმეების განხილვისა და დამნაშავე პირთათვის კანონით დაწესებული სასჯელის ღონისძიებათა შეფარდების ან უდანაშაულოთა გამართლების გზით.

მუხლი 5. მოქალაქეთა თანასწორობა კანონისა და სასამართლოს წინაშე

მართლმსაჯულება საქართველოს სსრ-ში ხორციელდება კანონისა და სასამართლოს წინაშე მოქალაქეთა თანასწორობის საწყისებზე, დამოუკიდებლად მათი სოციალური, ქონებრივი და სამსახურებრივი მდგომარეობისა, ეროვნული და რასობრივი კუთვნილებისა და სარწმუნოებისა.

მუხლი 6. მართლმსაჯულების განხორციელება კანონის ზუსტი შესაბამისობით



მართლმსაჯულება საქართველოს სსრ-ში ხორციელდება სსრ კავშირის, საქართველოს სსრ, აფხაზეთის ასსრ და აჭარის ასსრ კანონმდებლობის ზუსტ შესაბამისობით.

მუხლი 7. ყველა სასამართლოს შექმნა არჩევითობის საწყისებზე

საქართველოს სსრ კონსტიტუციის 120-123 მუხლების შესაბამისად საქართველოს სსრ-ში ყველა სასამართლო იქმნება არჩევითობის საწყისებზე.

მუხლი 8. საქმეთა კოლეგიური განხილვა ყველა სასამართლოში

საქმეები სასამართლოებში განიხილება კოლეგიურად. საქმეების განხილვა პირველი ინსტანციის ყველა სასამართლოში ხორციელდება მოსამართლისა და ორი სახალხო მსაჯულის შემადგენლობით.

საქმეები საკასაციო საჩივრებითა და პროტესტებით განიხილება ზემდგომი სასამართლოების სასამართლო კოლეგიებში შესაბამისი სასამართლოს სამი წევრის შემადგენლობით.

საქმეები პროტესტებით სასამართლოების კანონიერ ძალაში შესული გადაწყვეტილებების, განაჩენების, განჩინებებისა და დადგენილებების გამო განიხილება საქართველოს სსრ უმაღლესი სასამართლოს პრეზიდიუმის, აფხაზეთის ასსრ უმაღლესი სასამართლოს პრეზიდიუმის, აჭარის ასსრ უმაღლესი სასამართლოს პრეზიდიუმის მიერ, თუ მას ესწრება პრეზიდიუმის წევრთა უმრავლესობა, სამხრეთ ოსეთის ავტონომიური ოლქის სასამართლოს პრეზიდიუმის მიერ პრეზიდიუმის სამი წევრის შემადგენლობით, ხოლო საქართველოს სსრ უმაღლესი სასამართლოს სასამართლო კოლეგიებში — ამ სასამართლოს სამი წევრის შემადგენლობით.

საქართველოს სსრ უმაღლესი სასამართლოს პლენუმი საქმეებს განიხილავს მისი შემადგენლობის არანაკლებ ორი მესამედის დასწრებით.

მუხლი 9. მოსამართლეთა დამოუკიდებლობა და მათი მხოლოდ კანონი-სადმი დამორჩილება

მართლმსაჯულების განხორციელების დროს მოსამართლენი და სახალხო მსაჯულნი დამოუკიდებელნი არიან და მხოლოდ კანონს ემორჩილებიან.

მუხლი 10. ენა, რომელზეც სამართალწარმოება მიმდინარეობს

საქართველოს სსრ კონსტიტუციის 124 მუხლის შესაბამისად სამართალწარმოება საქართველოს სსრ-ში ხორციელდება ქართულ ენაზე, ან ავტონომიური რესპუბლიკის, ან ავტონომიური ოლქის ენაზე; იმ პირთათვის, რომლებმაც ეს ენები არ იციან, უზრუნველყოფილია საქმის მასალების სრული გაცნობა მთარგმნელის საშუალებით, აგრეთვე სასამართლოში დედაენაზე გამოსვლის უფლება.

მუხლი 11. საქმეთა ღია განხილვა ყველა სასამართლოში

საქართველოს სსრ კონსტიტუციის 125 მუხლის შესაბამისად საქმეთა განხილვა საქართველოს სსრ ყველა სასამართლოში ღიაა, გარდა კანონით გათვალისწინებული გამონაკლისისა.

მუხლი 12. ბრალდებულისათვის დაცვის უფლების უზრუნველყოფა

საქართველოს სსრ კონსტიტუციის 125 მუხლის შესაბამისად ბრალდებულისათვის უზრუნველყოფილია დაცვის უფლება.

მუხლი 13. ადვოკატთა კოლეგიები

წინასწარი გამოძიების დროს და სასამართლოში დაცვის განხორციელების მიზნით, აგრეთვე მოქალაქეებისათვის, საწარმოებისათვის, დაწესებულებებისა და ორგანიზაციებისათვის სხვა იურიდიული დახმარების გასაწევად მოქმედებენ ადვოკატთა კოლეგიები.

ადვოკატთა კოლეგიები იმ პირობა ნებაყოფლობითი გაერთიანებაა, რომლებიც საადვოკატო საქმიანობას ეწევიან და მოქმედებენ დებულების საფუძველზე, რომელსაც ამტკიცებს საქართველოს სსრ უმაღლესი საბჭო.

მუხლი 14. პროკურორის მონაწილეობა სასამართლოში

სსრ კავშირის გენერალური პროკურორი, საქართველოს სსრ პროკურორი და მათდამი დაქვემდებარებული პროკურორები სსრ კავშირის და საქართველოს სსრ კანონმდებლობით დადგენილ საფუძველზე და წესით მონაწილეობენ განმწესრიგებელ სხდომებზე. სამსჯავრო სხდომებზე სამოქალაქო და სისხლის სამართლის საქმეთა განხილვის დროს, მხარს უჭერენ სახელმწიფო ბრალდებას სასამართლოში. წარადგენენ და მხარს უჭერენ სარჩელებს სასამართლოში, ზედამხედველობას უწევენ სასამართლო ორგანოების მიერ გამოტანილი გადაწყვეტილებების, განაჩენების, განჩინებებისა და დადგენილებების კანონიერებასა და დასაბუთებულობას, აგრეთვე სასამართლო განაჩენის აღსრულებას.

მუხლი 15. საზოგადოებრივი ბრალმდებელნი და დამცველნი

სსრ კავშირისა და საქართველოს სსრ კანონმდებლობით დადგენილი წესით საზოგადოებრივი ბრალდება და დაცვა სასამართლოში შეუძლიათ განხორციელონ საზოგადოებრივი ორგანიზაციების წარმომადგენლებმა.

სსრ კავშირის და საქართველოს სსრ კანონმდებლობით გათვალისწინებულ შემთხვევებში ბრალდებას შეიძლება მხარი დაუჭიროონ აგრეთვე დანაშაულისაგან დაზარალებულმა პირებმა.

საზოგადოებრივ ბრალმდებლებს და საზოგადოებრივ დამცველებს მუშათა და მოსამსახურეთა რიცხვიდან სასამართლოში თავიანთი მოვალეობის შესრულების დროს ენახებათ ხელფასი.

საზოგადოებრივი ბრალმდებლებისათვის და საზოგადოებრივი დამცველებისათვის, რომლებიც არ არიან მუშები და მოსამსახურეები, ხარჯების ანაზღაურების წესს სასამართლოში მათი მოვალეობის შესრულებასთან დაკავშირებით დაადგენს საქართველოს სსრ უმაღლესი საბჭოს პრეზიდიუმი.

მუხლი 16. მოთხოვნები, რომლებიც წარედგინებათ მოსამართლეობის და სახალხო მსაჯულობის კანდიდატებს

მოსამართლედ და სახალხო მსაჯულად შეიძლება არჩეულ იქნას სსრ კავშირის ყველა მოქალაქე, რომელსაც აქვს საარჩევნო უფლება და არჩევნების დღისათვის 25 წელი შეუსრულდა.

მუხლი 17. სახალხო მსაჯულთა და მოსამართლეთა თანასწორი უფლებები მართლმსაჯულების განხორციელების დროს

სასამართლოში თავიანთი მოვალეობის შესრულების დროს სახალხო მსაჯულები სარგებლობენ მოსამართლის ყველა უფლებით.



მუხლი 18. ვადა, რომლითაც სახალხო მსაჯულები მოიწვევიან მოვალეობის შესასრულებლად სასამართლოში

სახალხო მსაჯულები მოიწვევიან სასამართლოში თავიანთი მოვალეობის შესასრულებლად მორიგეობის წესით, ვადით არა უმეტეს ორი კვირისა წელიწადში; გარდა იმ შემთხვევებისა, როდესაც ამ ვადის გაგრძელება საჭიროა მათი მონაწილეობით დაწყებული საქმის დასამთავრებლად.

მუხლი 19. სახალხო მსაჯულებისათვის ხელფასის შენარჩუნება სასამართლოში მოვალეობის შესრულების დროს

სახალხო მსაჯულებს მუშათა და მოსამსახურეთა რიცხვიდან სასამართლოში მოვალეობის შესრულების დროს ენახებათ ხელფასი.

სახალხო მსაჯულებს, რომლებიც არ არიან მუშები და მოსამსახურეები, სასამართლოში მათ მოვალეობათა შესრულებასთან დაკავშირებით აუნაზღაურდებათ ხარჯები.

ანაზღაურების წესსა და ოდენობას დაადგენს საქართველოს სსრ უმაღლესი საბჭოს პრეზიდიუმი.

მუხლი 20. მოსამართლეთა და სახალხო მსაჯულთა ვადაზე ადრე გაწვევა

მოსამართლეებსა და სახალხო მსაჯულებს შეიძლება ვადაზე ადრე ჩამოერთვათ რწმუნებანი მხოლოდ და მხოლოდ ამომრჩეველთა ან იმ ორგანოს გამოწვევით, რომლებმაც ისინი აირჩიეს ან მათ მიმართ სასამართლოს მიერ გამოტანილი განაჩენის საფუძველზე.

მოსამართლეთა და სახალხო მსაჯულთა ვადამდე გამოწვევის წესს ადგენს საქართველოს სსრ უმაღლესი საბჭო.

მუხლი 21. მოსამართლეთა ვადაზე ადრე განთავისუფლება თანამდებობისაგან

მოსამართლეები შეიძლება ვადაზე ადრე განთავისუფლდნენ თანამდებობისაგან თავიანთი თხოვნით ხანგრძლივი ავადმყოფობის, ოჯახური მდგომარეობის, სხვა სამუშაოზე გადასვლისა და სხვა საპატიო მიზეზების გამო.

სახალხო მოსამართლეების ვადაზე ადრე განთავისუფლება ხდება შესაბამისად: საქართველოს სსრ უმაღლესი საბჭოს პრეზიდიუმის, აფხაზეთის ასსრ უმაღლესი საბჭოს პრეზიდიუმის, აჭარის ასსრ უმაღლესი საბჭოს პრეზიდიუმის და სამხრეთ ოსეთის ავტონომიური ოლქის მშრომელთა დეპუტატების საბჭოს აღმასრულებელი კომიტეტის მიერ.

საქართველოს სსრ, აფხაზეთის ასსრ და აჭარის ასსრ უმაღლესი სასამართლოების თავმჯდომარეების, თავმჯდომარის მოადგილეების, წევრების და სამხრეთ ოსეთის ავტონომიური ოლქის სასამართლოს თავმჯდომარისა და წევრების ვადაზე ადრე განთავისუფლება ხდება შესაბამისად: საქართველოს სსრ უმაღლესი საბჭოს პრეზიდიუმის დადგენილებით, აფხაზეთის ასსრ და აჭარის ასსრ უმაღლესი საბჭოების პრეზიდიუმების დადგენილებებით და სამხრეთ ოსეთის ავტონომიური ოლქის მშრომელთა დეპუტატების საბჭოს აღმასრულებელი კომიტეტის გადაწყვეტილებით, რომლებიც შემდგომში შეტანილ უნდა იქნას საქართველოს სსრ უმაღლესი საბჭოს, ასსრ უმაღლესი საბჭოს და ავტონომიური ოლქის მშრომელთა დეპუტატების საბჭოს დასამტკიცებლად.

მუხლი 22. უფლებამოსილების ვადაზე ადრე გაწვეულ ან განთავისუფლებულ მოსამართლეთა ნაცვლად მოსამართლის არჩევის წესი

საქართველოს
სამართლებრივი
კოდექსი

უფლებამოსილების ვადაზე ადრე სახალხო მოსამართლის გაწვევის ან განთავისუფლების შემთხვევაში სახალხო მოსამართლის არჩევნებს აწყობს შესაბამისად: საქართველოს სსრ უმაღლესი საბჭოს პრეზიდიუმი, აფხაზეთის ასსრ უმაღლესი საბჭოს პრეზიდიუმი, აჭარის ასსრ უმაღლესი საბჭოს პრეზიდიუმი და სამხრეთ ოსეთის ავტონომიური ოლქის მშრომელთა დეპუტატების საბჭოს აღმასრულებელი კომიტეტი, არა უგვიანეს ერთი თვისა გაწვევის ან განთავისუფლების დღიდან.

საქართველოს სსრ, აფხაზეთის ასსრ და აჭარის ასსრ უმაღლესი სასამართლოების თავმჯდომარეების, თავმჯდომარის მოადგილეების, წევრების და სამხრეთ ოსეთის ავტონომიური ოლქის სასამართლოს თავმჯდომარისა და წევრების ვადაზე ადრე გაწვევისა ან განთავისუფლების შემთხვევაში ზემოაღნიშნული სასამართლოების ახალ თავმჯდომარეებს, თავმჯდომარეების მოადგილეებს და წევრებს ირჩევენ შესაბამისად: საქართველოს სსრ უმაღლესი საბჭო, აფხაზეთის ასსრ უმაღლესი საბჭო, აჭარის ასსრ უმაღლესი საბჭო და სამხრეთ ოსეთის ავტონომიური ოლქის მშრომელთა დეპუტატების საბჭო.

თ ა ვ ი II.

რაიონული (საქალაქო) სახალხო სასამართლო

მუხლი 23. რაიონული (საქალაქო) სახალხო სასამართლოების შექმნა ყველა რაიონში ან ქალაქში, რომელსაც არა აქვს რაიონული დაყოფა, შეიქმნება რაიონული (საქალაქო) სახალხო სასამართლო.

მუხლი 24. რაიონული (საქალაქო) სახალხო სასამართლოების არჩევის წესი

რაიონული (საქალაქო) სახალხო სასამართლოების სახალხო მოსამართლეებს ირჩევენ რაიონის (ქალაქის) მოქალაქენი საყოველთაო, თანასწორი და პირდაპირი საარჩევნო უფლების საფუძველზე ფარული კენჭისყრით ხუთი წლის ვადით.

რაიონული (საქალაქო) სახალხო სასამართლოების სახალხო მსაჯულებს ირჩევენ მუშათა, მოსამსახურეთა და გლეხთა საერთო კრებებზე მათი საიუზო ან საცხოვრებელი ადგილის მიხედვით, სამხედრო მოსამსახურეთა საერთო კრებებზე სამხედრო ნაწილებში ღია კენჭისყრით ორი წლის ვადით.

სახალხო მოსამართლეებისა და სახალხო მსაჯულების არჩევნების წესს განსაზღვრავს საქართველოს სსრ უმაღლესი საბჭოს პრეზიდიუმის მიერ დამტკიცებული „დებუტება საქართველოს სსრ რაიონული (საქალაქო) სახალხო სასამართლოების არჩევნების შესახებ“.

რაიონებში (ქალაქებში), სადაც არჩეულია რამდენიმე სახალხო მოსამართლე, მშრომელთა დეპუტატების რაიონული საბჭო, ხოლო ქალაქად, — სადაც არ არის რაიონული დაყოფა — მშრომელთა დეპუტატების საქალაქო საბჭო,



შესაბამისად: საქართველოს სსრ უმაღლესი სასამართლოს თავმჯდომარისა, აფხაზეთის ასსრ და აჭარის ასსრ უმაღლესი სასამართლოების თავმჯდომარებისა და სამხრეთ ოსეთის ავტონომიური ოლქის სასამართლოს თავმჯდომარის წარდგენით, არჩეულ მოსამართლეთა რიცხვიდან ამტკიცებს რაიონის (ქალაქის) სახალხო სასამართლოს თავმჯდომარეს.

მუხლი 25. სახალხო მოსამართლეების და სახალხო მსაჯულების რაოდენობა

თვითეული რაიონისათვის (ქალაქისათვის) სახალხო მოსამართლეთა რიცხვს აწესებს საქართველოს სსრ უმაღლესი საბჭოს პრეზიდიუმი, საქართველოს სსრ უმაღლესი სასამართლოს თავმჯდომარის წარდგენით.

აფხაზეთის ასსრ და აჭარის ასსრ სახალხო მოსამართლეთა რიცხვს აწესებს შესაბამისად ამ რესპუბლიკების უმაღლესი საბჭოების პრეზიდიუმები, ხოლო სამხრეთ ოსეთის ავტონომიურ ოლქში — მშრომელთა დეპუტატების საოლქო საბჭოს აღმასრულებელი კომიტეტი; წინადადებას მოსამართლეთა რიცხვის შესახებ წარადგენენ შესაბამისად აფხაზეთის ასსრ, აჭარის ასსრ უმაღლესი სასამართლოების თავმჯდომარეები და სამხრეთ ოსეთის ავტონომიური ოლქის სასამართლოს თავმჯდომარე.

თვითეული რაიონისათვის (ქალაქისათვის) სახალხო მსაჯულთა რიცხვს აწესებს მშრომელთა დეპუტატების რაიონული (საქალაქო) საბჭოს აღმასკომი.

მუხლი 26. რაიონული (საქალაქო) სახალხო სასამართლოს უფლებამოსილება

რაიონული (საქალაქო) სახალხო სასამართლო განიხილავს ყველა სამოქალაქო და სისხლის სამართლის საქმეს, გარდა იმ საქმეებისა, რომლებიც კანონით მიეკუთვნება ზემდგომი სასამართლოს და სამხედრო ტრიბუნალის გამგებლობას.

მუხლი 27. რაიონული (საქალაქო) სასამართლოს თავმჯდომარის უფლებამოსილება

რაიონული (საქალაქო) სახალხო სასამართლოს თავმჯდომარე:

1. თავმჯდომარეობს სასამართლო სხდომებს სამოქალაქო და სისხლის სამართლის საქმეთა განხილვისას;
2. ანაწილებს საქმეებს სახალხო მოსამართლეებს შორის;
3. ხელმძღვანელობს:
 - ა) სასამართლო პრაქტიკის შესწავლას;
 - ბ) სასამართლოს კანცელარიის მუშაობას;
 - გ) სასამართლოს აღმასრულებლების მუშაობას.
4. აწყობს და აწესრიგებს:
 - ა) ამხანაგური სასამართლოებისადმი დახმარებას;
 - ბ) მთხოვნელთა მიღებას და მშრომელთა საჩივრებისა და განცხადებების განხილვას;
 - გ) რაიონული (საქალაქო) სასამართლოს ანგარიშგებას ამომრჩევლების წინაშე;

დ) მოსამართლეთა მუშაობას მოსახლეობაში საბჭოთა კანონების ტების დარგში;

ე) სახალხო მსაჯულებთან მეცადინეობის ჩატარებას;

ვ) სტატისტიკური ანგარიშების წარმოებას.

მუხლი 28. სახალხო მოსამართლის შეცვლა მისი სამუშაოზე დროებით არყოფნის შემთხვევაში

რაიონებში (ქალაქებში), სადაც არის ერთი სახალხო მოსამართლე, მისი სამუშაოზე დროებით არყოფნის (ავადმყოფობა, შევებულება და სხვ.) შემთხვევაში სახალხო მოსამართლის მოვალეობის აღსრულებას საქართველოს სსრ უმაღლესი სასამართლოს თავმჯდომარე, აფხაზეთის ასსრ და აჭარის ასსრ უმაღლესი სასამართლოების თავმჯდომარეები და სამხრეთ ოსეთის ავტონომიური ოლქის სასამართლოს თავმჯდომარე აკისრებს სხვა (უახლოესი) რაიონის სახალხო მოსამართლეს.

შორეულ რაიონებში (ქალაქებში), სადაც არის ერთი სახალხო მოსამართლე, მისი სამუშაოზე დროებით არყოფნის შემთხვევაში სახალხო მოსამართლის მოვალეობის აღსრულება შესაბამისი რაიონის (ქალაქის) შრომელთა დეპუტატების საბჭოს აღმასრულებელი კომიტეტის გადაწყვეტილებით აკისრება ერთ-ერთ სახალხო მსაჯულს ამ რაიონში (ქალაქში) არჩეულთა რიცხვიდან.

მუხლი 29. სახალხო მოსამართლეების ანგარიშგება ამომრჩეველების წინაშე.

სახალხო მოსამართლეები სისტემატურად აბარებენ ანგარიშს ამომრჩეველებს თავიანთი მუშაობის და სახალხო სასამართლოს მუშაობის შესახებ.

თ ა ვ ი III.

სამხრეთ ოსეთის ავტონომიური ოლქის სასამართლო

მუხლი 30. სამხრეთ ოსეთის ავტონომიური ოლქის სასამართლოს არჩევის წესი

სამხრეთ ოსეთის ავტონომიური ოლქის სასამართლოს, საქართველოს სსრ კონსტიტუციის 122 მუხლის შესაბამისად, ირჩევს სამხრეთ ოსეთის ავტონომიური ოლქის შრომელთა დეპუტატების საბჭო ხუთი წლის ვადით.

ოლქის სასამართლოს რიცხობრივ შემადგენლობას სასამართლოს არჩევისას განსაზღვრავს ავტონომიური ოლქის შრომელთა დეპუტატების საბჭო.

მუხლი 31. სამხრეთ ოსეთის ავტონომიური ოლქის სასამართლოს შემადგენლობა

სამხრეთ ოსეთის ავტონომიური ოლქის სასამართლო შედგება თავმჯდომარის, სასამართლოს წევრებისა და სახალხო მსაჯულებისაგან და მოქმედებს:

- ა) სამოქალაქო სამართლის საქმეთა სასამართლო კოლეგიის,
- ბ) სისხლის სამართლის საქმეთა სასამართლო კოლეგიისა და
- გ) სასამართლოს პრეზიდიუმის შემადგენლობით.

მუხლი 32. სამხრეთ ოსეთის ავტონომიური ოლქის სასამართლოს უფლებამოსილება

სამხრეთ ოსეთის ავტონომიური ოლქის სასამართლო:

1. პირველი ინსტანციით განიხილავს სამოქალაქო და სისხლის სამართლის საქმეებს, რომლებიც კანონით მის კომპეტენციას მიეკუთვნება.

2. ახორციელებს ზედამხედველობას ავტონომიური ოლქის რაიონული (საქალაქო) სახალხო სასამართლოების სასამართლო საქმიანობაზე:

ა) სამოქალაქო და სისხლის სამართლის საქმეთა სასამართლო კოლეგიებში რაიონული (საქალაქო) სახალხო სასამართლოების იმ გადაწყვეტილებებსა, განაჩენებსა და განჩინებებზე, რომლებიც კანონიერ ძალაში არ არის შესული, აგრეთვე სახალხო მოსამართლეთა დადგენილებებზე საჩივრებისა და პროტესტების განხილვის გზით;

ბ) სასამართლოს პრეზიდიუმში პროტესტების განხილვის გზით რაიონული (საქალაქო) სახალხო სასამართლოს კანონიერ ძალაში შესულ გადაწყვეტილებებს, განაჩენებსა და განჩინებებზე, სასამართლო კოლეგიების განჩინებებზე, აგრეთვე სახალხო მოსამართლეთა დადგენილებებზე.

3. ატარებს ოლქის რაიონული (საქალაქო) სახალხო სასამართლოების რევიზიას და ახორციელებს ხელმძღვანელობასა და კონტროლს მთელ მათ საქმიანობაზე.

მუხლი 33. სამხრეთ ოსეთის ავტონომიური ოლქის სასამართლოს სამოქალაქო სამართლის საქმეთა სასამართლო კოლეგიის უფლებამოსილება

სამხრეთ ოსეთის ავტონომიური ოლქის სასამართლოს სამოქალაქო სამართლის საქმეთა სასამართლო კოლეგია პირველი ინსტანციით განიხილავს მისი გამგებლობისათვის კანონით მიკუთვნებულ სამოქალაქო სამართლის საქმეებს, ხოლო მეორე ინსტანციით — საჩივრებსა და პროტესტებს რაიონული (საქალაქო) სახალხო სასამართლოების იმ გადაწყვეტილებებსა და განჩინებებზე, რომლებიც კანონიერ ძალაში არ არის შესული, აგრეთვე საჩივრებსა და პროტესტებს სახალხო მოსამართლეთა დადგენილებებზე.

მუხლი 34. სამხრეთ ოსეთის ავტონომიური ოლქის სასამართლოს სისხლის სამართლის საქმეთა სასამართლო კოლეგიის უფლებამოსილება

სამხრეთ ოსეთის ავტონომიური ოლქის სასამართლოს სისხლის სამართლის საქმეთა სასამართლო კოლეგია პირველი ინსტანციით განიხილავს მისი გამგებლობისათვის კანონით მიკუთვნებულ სისხლის სამართლის საქმეებს, ხოლო მეორე ინსტანციით — საჩივრებსა და პროტესტებს რაიონულ (საქალაქო) სახალხო სასამართლოების იმ განაჩენებზე და განჩინებებზე, რომლებიც კანონიერ ძალაში არ არის შესული, აგრეთვე საჩივრებსა და პროტესტებს სახალხო მოსამართლეთა დადგენილებებზე.

მუხლი 35. სამხრეთ ოსეთის ავტონომიური ოლქის სასამართლოს პრეზიდიუმი

სამხრეთ ოსეთის ავტონომიური ოლქის სასამართლოს პრეზიდიუმი იქმნება სასამართლოს თავმჯდომარისა და წევრთა შემადგენლობით, ოლქის მშრომელთა დეპუტატების საბჭოს აღმასრულებელი კომიტეტის მიერ დადგენილი რაოდენობით. სასამართლოს პრეზიდიუმის შემადგენლობას ამტკიცებს სამხრეთ ოსეთის ავტონომიური ოლქის მშრომელთა დეპუტატების საბჭოს აღმასრულებელი კომიტეტი საოლქო სასამართლოს თავმჯდომარის წარდგენით.

ოლქის სასამართლოს პრეზიდიუმის სხდომებზე ავტონომიური ოლქის პრეზიდიუმის კურორის მონაწილეობა აუცილებელია.

საქართველოს
საბჭოთაო
სამართლებრივი
სისტემა

მუხლი 36. სამხრეთ ოსეთის ავტონომიური ოლქის სასამართლოს პრეზიდიუმის უფლებამოსილება

სამხრეთ ოსეთის ავტონომიური ოლქის სასამართლოს პრეზიდიუმი:

ა) განიხილავს პროტესტებს რაიონული (საქალაქო) სახალხო სასამართლოების კანონიერ ძალაში შესულ გადაწყვეტილებებსა, განაჩენებსა და განჩინებებზე, სახალხო მოსამართლეთა დადგენილებებზე, აგრეთვე საოლქო სასამართლოს განჩინებებზე.

თუ საქმის განხილვის დროს მონაწილეობდა სასამართლოს პრეზიდიუმის წევრთა უმრავლესობა, ოლქის სასამართლოს თავმჯდომარე სხვა სასამართლოში გადაგზავნის საკითხის გადასაწყვეტად, საქმეს წარუდგენს საქართველოს სსრ უმაღლესი სასამართლოს თავმჯდომარეს;

ბ) განიხილავს სახალხო სასამართლოს რევიზიის შედეგებს.

მუხლი 37. სამხრეთ ოსეთის ავტონომიური ოლქის სასამართლოს თავმჯდომარის უფლებამოსილება

სამხრეთ ოსეთის ავტონომიური ოლქის სასამართლოს თავმჯდომარე:

ა) თავმჯდომარეობს სასამართლოს სხდომებს ან სასამართლოს სხდომაზე თავმჯდომარეობის გასაწევად ნიშნავს ოლქის სასამართლოს წევრს;

ბ) შეაქვს პროტესტები ავტონომიური ოლქის სასამართლოს პრეზიდიუმში რაიონული (საქალაქო) სახალხო სასამართლოების მიერ გამოტანილ კანონიერ ძალაში შესულ გადაწყვეტილებებსა, განაჩენებსა და განჩინებებზე და სახალხო მოსამართლეთა დადგენილებებზე, აგრეთვე ავტონომიური ოლქის სასამართლოს სასამართლო კოლეგიების განჩინებებზე;

გ) იწვევს და თავმჯდომარეობს პრეზიდიუმის სხდომებს;

დ) ხელმძღვანელობს სასამართლოს აპარატის მუშაობას;

ე) ხელმძღვანელობს რაიონული (საქალაქო) სახალხო სასამართლოების მუშაობას და ნიშნავს მათ რევიზიებს.

მუხლი 38. სამხრეთ ოსეთის ავტონომიური ოლქის სასამართლოს ანგარიშვალდებულება

სამხრეთ ოსეთის ავტონომიური ოლქის სასამართლო ანგარიშს აბარებს სამხრეთ ოსეთის ავტონომიური ოლქის მშრომელთა დეპუტატების საბჭოს.

თ ა ვ ი IV.

ავტონომიური რესპუბლიკის უმაღლესი სასამართლო

მუხლი 39. ავტონომიური რესპუბლიკის უმაღლესი სასამართლო—ავტონომიური რესპუბლიკის უმაღლესი სასამართლო ორგანოა

ავტონომიური რესპუბლიკის უმაღლესი სასამართლო არის ავტონომიური რესპუბლიკის უმაღლესი სასამართლო ორგანო.

ავტონომიური რესპუბლიკის უმაღლესი სასამართლოს ენიჭება საკანონმდებლო ინიციატივის უფლება.



მუხლი 40. ავტონომიური რესპუბლიკის უმაღლესი სასამართლოს არჩევის წესი

საქართველოს სსრ კონსტიტუციის 121 მუხლის შესაბამისად, აფხაზეთის ასსრ უმაღლეს სასამართლოს და აჭარის ასსრ უმაღლეს სასამართლოს ირჩევენ აფხაზეთის ასსრ და აჭარის ასსრ უმაღლესი საბჭოები ხუთი წლის ვადით.

აფხაზეთის ასსრ უმაღლეს სასამართლოს და აჭარის ასსრ უმაღლეს სასამართლოს რიცხობრივ შემადგენლობას განსაზღვრავენ შესაბამისად—აფხაზეთის ასსრ და აჭარის ასსრ უმაღლესი საბჭოები უმაღლესი სასამართლოს არჩევის დროს.

მუხლი 41. ავტონომიური რესპუბლიკის უმაღლესი სასამართლოს შემადგენლობა

ავტონომიური რესპუბლიკის უმაღლესი სასამართლო შედგება თავმჯდომარის, თავმჯდომარის მოადგილის, სასამართლოს წევრებისა და სახალხო მსჯეულებისაგან და მოქმედებს:

- ა) სამოქალაქო სამართლის საქმეთა სასამართლო კოლეგიის,
- ბ) სისხლის სამართლის საქმეთა სასამართლო კოლეგიისა და
- გ) სასამართლოს პრეზიდიუმის შემადგენლობით.

მუხლი 42. ავტონომიური რესპუბლიკის უმაღლესი სასამართლოს უფლებამოსილება

ავტონომიური რესპუბლიკის უმაღლესი სასამართლო:

1. პირველი ინსტანციით განიხილავს სამოქალაქო და სისხლის სამართლის საქმეებს, რომლებიც კანონით მის კომპეტენციას მიეკუთვნება;

2. ახორციელებს ზედამხედველობას რესპუბლიკის რაიონული (საქალაქო) სახალხო სასამართლოების საქმიანობაზე;

ა) სამოქალაქო და სისხლის სამართლის საქმეთა სასამართლო კოლეგიებში რაიონული (საქალაქო) სახალხო სასამართლოების იმ გადაწყვეტილებებსა, განაჩენებსა და განჩინებებზე, რომლებიც კანონიერ ძალაში არ არის შესული და სახალხო მოსამართლეთა დადგენილებებზე — საჩივრებისა და პროტესტების განხილვის გზით;

ბ) ავტონომიური რესპუბლიკის უმაღლესი სასამართლოს პრეზიდიუმში რაიონული (საქალაქო) სახალხო სასამართლოების კანონიერ ძალაში შესულ გადაწყვეტილებებსა, განაჩენებსა და განჩინებებზე და სახალხო მოსამართლეთა დადგენილებებზე, აგრეთვე ავტონომიური რესპუბლიკის უმაღლესი სასამართლოს სასამართლო კოლეგიების განჩინებებზე პროტესტების განხილვის გზით.

3. ატარებს ავტონომიური რესპუბლიკის რაიონული (საქალაქო) სახალხო სასამართლოების რევიზიას და ახორციელებს ხელმძღვანელობასა და კონტროლს მთელ მათ საქმიანობაზე.

მუხლი 43. ავტონომიური რესპუბლიკის უმაღლესი სასამართლოს სამოქალაქო სამართლის საქმეთა სასამართლო კოლეგიის უფლებამოსილება

ავტონომიური რესპუბლიკის უმაღლესი სასამართლოს სამოქალაქო საქმეთა სასამართლო კოლეგია პირველი ინსტანციით განიხილავს კანონით მისი გამგებ-

ლობისათვის მიკუთვნებულ სამოქალაქო სამართლის საქმეებს, ხოლო ინსტანციით — რაიონული (საქალაქო) სახალხო სასამართლოების იმ გადაწყვეტილებებსა და განჩინებებზე შემოსულ საჩივრებსა და პროტესტებს, რომლებიც კანონიერ ძალაში არ არის შესული, აგრეთვე საჩივრებსა და პროტესტებს სახალხო მოსამართლეთა დადგენილებებზე.

მუხლი 44. ავტონომიური რესპუბლიკის უმაღლესი სასამართლოს სისხლის სამართლის საქმეთა სასამართლო კოლეგიის უფლებამოსილება

ავტონომიური რესპუბლიკის უმაღლესი სასამართლოს სისხლის სამართლის საქმეთა სასამართლო კოლეგია პირველი ინსტანციით განიხილავს კანონით მისი გამგებლობისათვის მიკუთვნებულ სისხლის სამართლის საქმეებს, ხოლო მეორე ინსტანციით — რაიონული (საქალაქო) სახალხო სასამართლოების იმ განჩინებებსა და განჩინებებზე შემოსულ საჩივრებსა და პროტესტებს, რომლებიც კანონიერ ძალაში არ არის შესული, აგრეთვე საჩივრებსა და პროტესტებს სახალხო მოსამართლეთა დადგენილებებზე.

მუხლი 45. ავტონომიური რესპუბლიკის უმაღლესი სასამართლოს პრეზიდიუმის შემადგენლობა

ავტონომიური რესპუბლიკის უმაღლესი სასამართლოს პრეზიდიუმი იქმნება უმაღლესი სასამართლოს თავმჯდომარის, თავმჯდომარის მოადგილის და წევრების შემადგენლობით ავტონომიური რესპუბლიკის უმაღლესი საბჭოს პრეზიდიუმის მიერ განსაზღვრული რაოდენობით.

უმაღლესი სასამართლოს პრეზიდიუმის შემადგენლობას ამტკიცებს ავტონომიური რესპუბლიკის უმაღლესი საბჭოს პრეზიდიუმი ავტონომიური რესპუბლიკის უმაღლესი სასამართლოს თავმჯდომარის წარდგენით.

სასამართლოს პრეზიდიუმის სხდომებზე ავტონომიური რესპუბლიკის პროკურორის მონაწილეობა აუცილებელია.

მუხლი 46. ავტონომიური რესპუბლიკის უმაღლესი სასამართლოს პრეზიდიუმის უფლებამოსილება

ავტონომიური რესპუბლიკის უმაღლესი სასამართლოს პრეზიდიუმი:

ა) განიხილავს პროტესტებს რაიონული (საქალაქო) სახალხო სასამართლოების მიერ გამოტანილ კანონიერ ძალაში შესულ გადაწყვეტილებებსა, განჩინებებსა და განჩინებებზე, სახალხო მოსამართლეთა დადგენილებებზე და აგრეთვე ავტონომიური რესპუბლიკის უმაღლესი სასამართლოს სასამართლო კოლეგიების განჩინებებზე.

თუ საქმის განხილვის დროს მონაწილეობდა სასამართლოს პრეზიდიუმის წევრთა უმრავლესობა, ავტონომიური რესპუბლიკის უმაღლესი სასამართლოს თავმჯდომარე, სხვა სასამართლოში გადაგზავნის საკითხის გადასაწყვეტად, საქმეს წარუდგენს საქართველოს სსრ უმაღლესი სასამართლოს თავმჯდომარეს;

ბ) განიხილავს სახალხო სასამართლოს რევიზიის შედეგებს.

მუხლი 47. ავტონომიური რესპუბლიკის უმაღლესი სასამართლოს თავმჯდომარის უფლებამოსილება

ავტონომიური რესპუბლიკის უმაღლესი სასამართლოს თავმჯდომარე:



ა) თავმჯდომარეობს სასამართლოს სხდომებს ან სასამართლოს სხდომებზე თავმჯდომარეობის გასაწევად ნიშნავს თავმჯდომარის მოადგილეს ან ავტონომიური რესპუბლიკის უმაღლესი სასამართლოს წევრს;

ბ) შეაქვს პროტესტები ავტონომიური რესპუბლიკის უმაღლესი სასამართლოს პრეზიდიუმში, რაიონული (საქალაქო) სახალხო სასამართლოების კანონიერ ძალაში შესულ გადაწყვეტილებებზე, განაჩენებზე, აგრეთვე ავტონომიური რესპუბლიკის უმაღლესი სასამართლოს კოლეგიების განჩინებებზე და სახალხო მოსამართლეთა დადგენილებებზე;

გ) იწვევს და თავმჯდომარეობს პრეზიდიუმის სხდომებს;

დ) ანაწილებს ავტონომიური რესპუბლიკის უმაღლესი სასამართლო წევრებს სასამართლო კოლეგიების მიხედვით;

ე) ახორციელებს სასამართლო კოლეგიების მუშაობისადმი საერთო ორგანიზაციულ ხელმძღვანელობას;

ვ) ხელმძღვანელობს სასამართლოს აპარატის მუშაობას;

ზ) ხელმძღვანელობს რაიონული (საქალაქო) სახალხო სასამართლოების მუშაობას და ნიშნავს მათ რევიზიებს.

მუხლი 48. ავტონომიური რესპუბლიკების უმაღლესი სასამართლოების ანგარიშვალდებულება

აფხაზეთის ასსრ და აჭარის ასსრ უმაღლესი სასამართლოები ანგარიშს აბარებენ აფხაზეთის ასსრ უმაღლეს საბჭოს და აჭარის ასსრ უმაღლეს საბჭოს, ხოლო სესიათაშორის პერიოდში—აფხაზეთის ასსრ და აჭარის ასსრ უმაღლესი საბჭოების პრეზიდიუმებს შესაბამისად.

თ ა ვ ი V.

სამართველოს სსრ უმაღლესი სასამართლო

მუხლი 49. საქართველოს სსრ უმაღლესი სასამართლო — საქართველოს სსრ უმაღლესი სასამართლო ორგანოა

საქართველოს სსრ უმაღლესი სასამართლო არის საქართველოს სსრ უმაღლესი სასამართლო ორგანო. საქართველოს სსრ უმაღლეს სასამართლოს ეკისრება ზედამხედველობა გაუწიოს რესპუბლიკის ყველა სასამართლო ორგანოს სასამართლო საქმიანობას.

საქართველოს სსრ უმაღლეს სასამართლოს ენიჭება საკანონმდებლო ინიციატივის უფლება.

მუხლი 50. საქართველოს სსრ უმაღლესი სასამართლოს არჩევის წესი

საქართველოს სსრ კონსტიტუციის 120 მუხლის შესაბამისად, საქართველოს სსრ უმაღლეს სასამართლოს ირჩევს საქართველოს სსრ უმაღლესი საბჭო ხუთი წლის ვადით.

საქართველოს სსრ უმაღლესი სასამართლოს რიცხობრივ შემადგენლობას განსაზღვრავს საქართველოს სსრ უმაღლესი საბჭო, საქართველოს სსრ უმაღლესი სასამართლოს არჩევის დროს.

ბ) რაიონული (საქალაქო) სახალხო სასამართლოების, რომლებიც ტერიტორიულად არ შედიან ავტონომიური რესპუბლიკებისა და ავტონომიური ოლქის შემადგენლობაში, ავტონომიური რესპუბლიკების უმაღლესი სასამართლოებისა და ავტონომიური ოლქის სასამართლოს იმ გადაწყვეტილებებსა და განჩინებებზე შემოსულ საჩივრებსა და პროტესტებს, რომლებიც კანონიერ ძალაში არ არის შესული, და აღნიშნული სასამართლოების მოსამართლეთა დადგენილებებზე;

გ) პროტესტებს იმ რაიონული (საქალაქო) სახალხო სასამართლოების მიერ გამოტანილ კანონიერ ძალაში შესულ გადაწყვეტილებებსა და განჩინებებზე, რომლებიც ტერიტორიულად არ შედიან ავტონომიური რესპუბლიკებისა და ავტონომიური ოლქის შემადგენლობაში, და ავტონომიური რესპუბლიკების უმაღლესი სასამართლოების და ოლქის სასამართლოს გადაწყვეტილებებსა და განჩინებებზე.

მუხლი 54. საქართველოს სსრ უმაღლესი სასამართლოს სისხლის სამართლის საქმეთა სასამართლო კოლეგიის უფლებამოსილება

საქართველოს სსრ უმაღლესი სასამართლოს სისხლის სამართლის საქმეთა სასამართლო კოლეგია განიხილავს:

ა) პირველი ინსტანციით კანონით მისი გამგებლობისათვის მიკუთვნებულ სისხლის სამართლის საქმეებს;

ბ) რაიონული (საქალაქო) სახალხო სასამართლოების, რომლებიც ტერიტორიულად არ შედიან ავტონომიური რესპუბლიკისა და ავტონომიური ოლქის შემადგენლობაში, ავტონომიური რესპუბლიკების უმაღლესი სასამართლოების და ავტონომიური ოლქის სასამართლოს იმ განაჩენებზე და განჩინებებზე შემოსულ საჩივრებსა და პროტესტებს, რომლებიც კანონიერ ძალაში არ არის შესული, და აღნიშნული სასამართლოების მოსამართლეთა დადგენილებებზე;

გ) პროტესტებს იმ რაიონული (საქალაქო) სახალხო სასამართლოების მიერ გამოტანილ კანონიერ ძალაში შესულ განაჩენებსა და განჩინებებზე, რომლებიც ტერიტორიულად არ შედიან ავტონომიური რესპუბლიკებისა და ავტონომიური ოლქის შემადგენლობაში, და ავტონომიური რესპუბლიკების უმაღლესი სასამართლოების და ავტონომიური ოლქის სასამართლოს განაჩენებსა და განჩინებებზე.

მუხლი 55. საქართველოს სსრ უმაღლესი სასამართლოს პრეზიდიუმის შემადგენლობა

საქართველოს სსრ უმაღლესი სასამართლოს პრეზიდიუმი შედგება უმაღლესი სასამართლოს თავმჯდომარის, მისი მოადგილეებისა და სასამართლოს წევრებისაგან საქართველოს სსრ უმაღლესი საბჭოს პრეზიდიუმის მიერ განსაზღვრული რაოდენობით.

საქართველოს სსრ უმაღლესი სასამართლოს პრეზიდიუმის შემადგენლობას ამტკიცებს საქართველოს სსრ უმაღლესი საბჭოს პრეზიდიუმი საქართველოს სსრ უმაღლესი სასამართლოს თავმჯდომარის წარდგენით.

პრეზიდიუმის სხდომებზე საქართველოს სსრ პროკურორის ან მისი მოადგილის მონაწილეობა აუცილებელია.

მუხლი 56. საქართველოს სსრ უმაღლესი სასამართლოს პრეზიდიუმის უფლებამოსილება

საქართველოს სსრ უმაღლესი სასამართლოს პრეზიდიუმი:

ა) განიხილავს პროტესტებს საქართველოს სსრ უმაღლესი სასამართლოს კოლეგიების გადაწყვეტილებებსა, განახილებსა და განჩინებებზე, საქართველოს სსრ უმაღლესი სასამართლოს წევრების დადგენილებებზე, აგრეთვე პროტესტებს ავტონომიური რესპუბლიკების უმაღლესი სასამართლოების პრეზიდიუმების და სამხრეთ ოსეთის ავტონომიური ოლქის სასამართლოს პრეზიდიუმის დადგენილებებზე;

ბ) განიხილავს ქვემდგომი სასამართლოების რევიზიის შედეგებს.

მუხლი 57. საქართველოს სსრ უმაღლესი სასამართლოს პლენუმის შემადგენლობა

საქართველოს სსრ უმაღლესი სასამართლოს პლენუმი შედგება საქართველოს სსრ უმაღლესი სასამართლოს თავმჯდომარის, მისი მოადგილეებისა და ყველა წევრისაგან, აგრეთვე ავტონომიური რესპუბლიკების უმაღლესი სასამართლოების თავმჯდომარეების და სამხრეთ ოსეთის ავტონომიური ოლქის სასამართლოს თავმჯდომარისაგან, რომელნიც საქართველოს სსრ უმაღლესი სასამართლოს პლენუმის წევრები არიან თანამდებობის მიხედვით.

პლენუმის სხდომებზე საქართველოს სსრ პროკურორის მონაწილეობა აუცილებელია.

პლენუმის სხდომები მოიწვევა არანაკლებ ერთისა სამ თვეში, პლენუმის დადგენილება მიიღება საქართველოს სსრ უმაღლესი სასამართლოს პლენუმის სხდომაზე მონაწილე წევრთა ხმის უბრალო უმრავლესობით.

მუხლი 58. საქართველოს სსრ უმაღლესი სასამართლოს პლენუმის უფლებამოსილება

საქართველოს სსრ უმაღლესი სასამართლოს პლენუმი:

ა) აძლევს სასამართლოებს სახელმძღვანელო ხასიათის განმარტებებს სამოქალაქო და სისხლის სამართლის საქმეთა განხილვის დროს რესპუბლიკური კანონმდებლობის შეფარდების საკითხებზე, სასამართლო პრაქტიკის, სასამართლო სტატისტიკისა და საქართველოს სსრ უმაღლესი სასამართლოს მიერ განხილულ საქმეებზე მიღებული გადაწყვეტილებების განზოგადებისა და აგრეთვე საქართველოს სსრ პროკურორის წარდგინებათა საფუძველზე;

ბ) შედის წარდგინებით საქართველოს სსრ უმაღლესი საბჭოს პრეზიდიუმში საკანონმდებლო წესით გადასაწყვეტი საკითხებისა და საქართველოს სსრ კანონების განმარტების შესახებ;

გ) განიხილავს სსრ კავშირის გენერალური პროკურორის, მისი მოადგილეების, საქართველოს სსრ პროკურორის და უმაღლესი სასამართლოს თავმჯდომარის პროტესტებს საქართველოს სსრ უმაღლესი სასამართლოს პრეზიდიუმის დადგენილებებზე;

დ) ისმენს საქართველოს სსრ უმაღლესი სასამართლოს კოლეგიების მუშაობის ანგარიშს კოლეგიების მუშაობის შესახებ;

ე) ამტკიცებს საქართველოს სსრ უმაღლესი სასამართლოს წევრთა რიცხვიდან სასამართლო კოლეგიების შემადგენლობებს;

ვ) ირჩევს საქართველოს სსრ უმაღლეს სასამართლოსთან არსებულ დისციპლინურ საქმეთა კოლეგიას;

ზ) განიხილავს საჩივრებს დისციპლინურ საქმეთა კოლეგიების გადაწყვეტილებებზე.

მუხლი 59. საქართველოს სსრ უმაღლესი სასამართლოს თავმჯდომარის უფლებამოსილება

საქართველოს სსრ უმაღლესი სასამართლოს თავმჯდომარე:

ა) თავმჯდომარეობს სასამართლოს სხდომებს ან სასამართლოს სხდომებზე თავმჯდომარეობის გასაწევად ნიშნავს თავმჯდომარის მოადგილეს ან საქართველოს სსრ უმაღლესი სასამართლოს წევრს;

ბ) შეაქვს პროტესტები საქართველოს სსრ უმაღლესი სასამართლოს კოლეგიებში, პრეზიდიუმში და პლენუმში შესაბამისად რესპუბლიკის ყველა სასამართლოს გადაწყვეტილებებზე, განაჩენებზე, განჩინებებზე და დადგენილებებზე, სასამართლო კოლეგიების გადაწყვეტილებებზე, განაჩენებზე და განჩინებებზე და საქართველოს სსრ უმაღლესი სასამართლოს პრეზიდიუმის დადგენილებებზე, აჯიუთვე მოსამართლეთა დადგენილებებზე;

გ) იწვევს საქართველოს სსრ უმაღლესი სასამართლოს პრეზიდიუმისა და პლენუმის სხდომებს და თავმჯდომარეობს ამ სხდომებს;

დ) შეაქვს საქართველოს სსრ უმაღლესი სასამართლოს პლენუმის განსახილველად ისეთი საკითხები, რომლებიც მოითხოვენ პლენუმის მიერ გადაწყვეტას;

ე) ახორციელებს საერთო ორგანიზაციულ ხელმძღვანელობას საქართველოს სსრ უმაღლესი სასამართლოს კოლეგიების მუშაობაზე;

ვ) ხელმძღვანელობს საქართველოს სსრ უმაღლესი სასამართლოს აპარატის მუშაობას;

ზ) ხელმძღვანელობს რესპუბლიკის ქვემდგომი სასამართლოების მუშაობას და ნიშნავს მათ რევიზიებს.

მუხლი 60. საქართველოს სსრ უმაღლესი სასამართლოს აპარატის სტრუქტურის დამტკიცების წესი

საქართველოს სსრ უმაღლესი სასამართლოს აპარატის სტრუქტურას ამტკიცებს საქართველოს სსრ უმაღლესი საბჭოს პრეზიდიუმი.

მუხლი 61. საქართველოს სსრ უმაღლესი სასამართლოს ანგარიშვალდებულება

საქართველოს სსრ უმაღლესი სასამართლო თავისი მუშაობის შესახებ ანგარიშს აბარებს საქართველოს სსრ უმაღლეს საბჭოს, ხოლო სესიათაშორის პერიოდში — საქართველოს სსრ უმაღლესი საბჭოს პრეზიდიუმს.

მოსამართლეთა პასუხისმგებლობა

მუხლი 62. მოსამართლეებისა და სახალხო მსაჯულების სისხლის სამართლის პასუხისმგებაში მიცემის წესი

არ შეიძლება სისხლის სამართლის პასუხისმგებაში იქნან მიცემული და ამასთან დაკავშირებით თანამდებობიდან გადაყენებული ან დაპატიმრებული:

ა) სახალხო მოსამართლენი, სამხრეთ ოსეთის ავტონომიური ოლქის სასამართლოს თავმჯდომარე და წევრები, აფხაზეთის ასსრ და აჭარის ასსრ უმაღლესი სასამართლოების თავმჯდომარეები, თავმჯდომარის მოადგილეები და წევრები საქართველოს სსრ უმაღლესი საბჭოს პრეზიდიუმის თანხმობის გარეშე;

ბ) საქართველოს სსრ უმაღლესი სასამართლოს თავმჯდომარე, თავმჯდომარის მოადგილეები, წევრები, აგრეთვე უმაღლესი სასამართლოს სახალხო მსაჯულები საქართველოს სსრ უმაღლესი საბჭოს, ხოლო სესიათაშორის პერიოდში — საქართველოს სსრ უმაღლესი საბჭოს პრეზიდიუმის თანხმობის გარეშე.

მუხლი 63. მოსამართლეთა დისციპლინური პასუხისმგებლობის წესი

სამსახურებრივი დაუდევრობისა და უღირსი მოქმედებისათვის, რაც სახელს უტეხს მართლმსაჯულების ავტორიტეტს, მოსამართლეებს ეკისრებათ დისციპლინური პასუხისმგებლობა შესაბამისად საქართველოს სსრ უმაღლესი სასამართლოსთან, აფხაზეთის ასსრ, აჭარის ასსრ უმაღლესი სასამართლოებთან და სამხრეთ ოსეთის ავტონომიური ოლქისა სასამართლოსთან არსებულ დისციპლინურ საქმეთა კოლეგიების წინაშე.

მოსამართლეთა დისციპლინური პასუხისმგებლობის წესს განსაზღვრავს საქართველოს სსრ უმაღლესი საბჭოს პრეზიდიუმის მიერ დამტკიცებული „დებულება საქართველოს სსრ მოსამართლეთა დისციპლინური პასუხისმგებლობის შესახებ“.

სასამართლოს აღმასრულებლები

მუხლი 64. სასამართლოების გადაწყვეტილებების, განჩინებებისა და დადგენილებების აღსრულება

სამოქალაქო საქმეებზე გადაწყვეტილებათა, განჩინებათა და დადგენილებათა აღსრულებას, აგრეთვე სისხლის სამართლის საქმეებზე განაჩინთა, განჩინებათა და დადგენილებათა აღსრულებას ქონებრივი გადახდევინების ნაწილში აწარმოებენ სასამართლოს აღმასრულებლები.

მუხლი 65. სასამართლოს აღმასრულებლების დანიშვნისა და განთავისუფლების წესი



სასამართლოს აღმასრულებლები იმყოფებიან რაიონულ (საქალაქო) ხალხო სასამართლოებთან: სასამართლოს აღმასრულებლები ინიშნებიან ვისუფლდებიან რაიონული (საქალაქო) სახალხო სასამართლოს თავმჯდომარის ან სახალხო მოსამართლის მიერ, რასაც შემდგომში ამტკიცებენ შესაბამისად საქართველოს სსრ უმაღლესი სასამართლოს თავმჯდომარე, ავტონომიური რესპუბლიკების უმაღლესი სასამართლოების თავმჯდომარეები და სამხრეთ-ოსეთის ავტონომიური ოლქის სასამართლოს თავმჯდომარე.

მუხლი 66. სასამართლოს აღმასრულებლების მოთხოვნების შესრულების აუცილებლობა

მოთხოვნები სასამართლოს გადაწყვეტილებათა, განაჩენთა, განჩინებათა და დადგენილებათა აღსრულების შესახებ, რომლებსაც სასამართლოს აღმასრულებლები წარადგენენ. სავალდებულოა ყველა თანამდებობის პირისა და მოქალაქისათვის.

საქართველოს სსრ უმაღლესი საბჭოს პრეზიდიუმის თავმჯდომარე **ბ. ძოწენიძე**.

საქართველოს სსრ უმაღლესი საბჭოს პრეზიდიუმის მდივანი **ზ. ბაღდავაშვილი**.

ქ. თბილისი. 1960 წლის 25 ივნისი.

დადგენილება საქართველოს სსრ უმაღლესი საბჭოსი

63 საქართველოს სსრ სასამართლო წყობილების შესახებ კანონის სამოქმედოდ შემოღების წესის თაობაზე

საქართველოს სსრ სასამართლო წყობილების შესახებ კანონის მიღებასთან დაკავშირებით საქართველოს საბჭოთა სოციალისტური რესპუბლიკის უმაღლესი საბჭო ადგენს:

1. დაწესდეს, რომ სახალხო მოსამართლეები და სახალხო მსჯელები, რომლებიც არჩეული არიან საქართველოს სსრ სასამართლო წყობილების შესახებ კანონის მიღებამდე, მათზე დაკისრებულ მოვალეობათა აღსრულებას განაგრძობენ მათი უფლებამოსილების ვადის გასვლამდე.
2. დაველოს საქართველოს სსრ უმაღლესი საბჭოს პრეზიდიუმს დამატაციის საქართველოს სსრ იმ საკანონმდებლო აქტების ნუსხა, რომლებიც ძალადაკარგულად უნდა ჩაითვალოს საქართველოს სსრ სასამართლო წყობილების შესახებ კანონის სამოქმედოდ შემოღებასთან დაკავშირებით.

საქართველოს სსრ უმაღლესი საბჭოს პრეზიდიუმის თავმჯდომარე **ბ. ძოწენიძე**.

საქართველოს სსრ უმაღლესი საბჭოს პრეზიდიუმის მდივანი **ზ. ბაღდავაშვილი**.

ქ. თბილისი, 1960 წლის 25 ივნისი.

64 საქართველოს სსრ მშრომელთა დეპუტატების საოლქო, რაიონული, საქალაქო, სასოფლო და სადაბო საბჭოს დეპუტატების გაწვევის წესის შესახებ

დეპუტატის გაწვევის უფლება, როგორც სოციალისტური დემოკრატიზმის ერთერთი ძირითადი დებულება, რაც საბჭოთა სახელმწიფოში დიდი ოქტომბრის სოციალისტური რევოლუციის შედეგად დაწესდა, გამოხატავს მშრომელთა სრულუფლებიანობას და უზრუნველყოფს დეპუტატის ნამდვილ პასუხისმგებლობას ამომრჩეველთა წინაშე.

ითვალისწინებს რა ამას, საქართველოს საბჭოთა სოციალისტური რესპუბლიკის უმაღლესი საბჭო საქართველოს სსრ კონსტიტუციის 155-ე მუხლის შესაბამისად ადგენს:

მუხლი 1. მშრომელთა დეპუტატების საოლქო, რაიონული, საქალაქო, სასოფლო და სადაბო საბჭოს დეპუტატი შესაბამისი საარჩევნო ოლქის ამომრჩეველთა უმრავლესობის გადაწყვეტილებით შეიძლება გაწვეულ იქნას ყოველ დროს, თუ მან ვერ გაამართლა ამომრჩეველთა ნდობა ან ჩაიდინა ისეთი რამ, რაც არ შეეფერება დეპუტატის მაღალ წოდებას.

მუხლი 2. მშრომელთა დეპუტატების საოლქო, რაიონული, საქალაქო, სასოფლო და სადაბო საბჭოს დეპუტატის გაწვევის საკითხის აღძვრის უფლება უზრუნველყოფილია მშრომელთა საზოგადოებრივი ორგანიზაციებისა და საზოგადოებებისათვის: კომუნისტური პარტიული ორგანიზაციებისათვის, პროფესიული კავშირების, კოოპერაციული ორგანიზაციების, ახალგაზრდობის ორგანიზაციებისა და კულტურული საზოგადოებებისათვის — მათი ცენტრალური, რესპუბლიკური, საოლქო, რაიონული, საქალაქო ორგანოების სახით, ასევე მუშათა და მოსამსახურეთა საერთო კრებებისათვის — საწარმოებსა, საამქროებსა და დაწესებულებებში; გლეხებისათვის — სოფლებსა, კოლმეურნეობებსა და ბრიგადებში, სამხედრო მოსამსახურეებისათვის — ჯარის ნაწილებსა და ქვედანაყოფებში.

საკითხი დეპუტატის გაწვევის შესახებ ამომრჩეველთა კრებებზე შეიძლება აღიძვროს იმ პირობით, თუ მასში მონაწილეობს შესაბამისი საარჩევნო ოლქის ამომრჩეველთა საერთო რიცხვის არა ნაკლებ ერთი მესამედისა.

მუხლი 3. საზოგადოებრივი ორგანიზაციები და მშრომელთა კრებები, რომლებიც აღძრავენ დეპუტატის გაწვევის საკითხს, ამის შესახებ ატყობინებენ დეპუტატს, ამასთან აცნობენ გაწვევის საკითხის დაყენების მოტივებს. დეპუტატს უფლება აქვს საზოგადოებრივ ორგანიზაციებს ან მშრომელთა კრებებს, რომლებიც გაწვევის საკითხს აღძრავენ, წარუდგინოს ახსნა-განმარტება ზეპირი ან წერილობითი ფორმით იმ გარემოებათა გამო, რომლებიც საფუძვლად დაედო მისი გაწვევის საკითხის აღძვრას.

მუხლი 4. გადაწყვეტილებანი საზოგადოებრივი ორგანიზაციებისა და მშრომელთა კრებებისა, რომლებმაც დეპუტატის გაწვევის საკითხი აღძრეს, ეგ-

ზანება მშრომელთა დეპუტატების შესაბამის საბჭოს აღმასრულებელ კომიტეტს.



მშრომელთა დეპუტატების საბჭოს აღმასრულებელი კომიტეტი განიხილავს წარმოდგენილ მასალებს და თუ დეპუტატის გაწვევის საკითხი აღძრულია ამ კანონის მოთხოვნათა დაცვით, ნიშნავს კენჭისყრას დეპუტატის გაწვევის შესახებ.

მუხლი 5. მშრომელთა დეპუტატების საოლქო, რაიონული, საქალაქო, სასოფლო და სადაბო საბჭოს დეპუტატის გაწვევის საკითხს განიხილავენ და წყვეტენ შესაბამისი საარჩევნო ოლქის ამომრჩეველთა კრებები, რომლებსაც იწვევენ ამ კანონის მე-2 მუხლში აღნიშნული საზოგადოებრივი ორგანიზაციები საწარმოებში, საამქროებში, დაწესებულებებში, სოფლებში, კოლმეურნეობებში, ბრიგადებში, ჯარის ნაწილებსა და ქვეგანაყოფებში, აგრეთვე ამომრჩეველთა საცხოვრებელი ადგილის მიხედვით.

ვადაწყვეტილება მშრომელთა დეპუტატების ადგილობრივი საბჭოს დეპუტატის გაწვევის საკითხზე მიიღება ღია კენჭისყრით.

მუხლი 6. მას შემდეგ, რაც მშრომელთა დეპუტატების შესაბამისი საბჭოს აღმასრულებელი კომიტეტი დანიშნავს კენჭისყრას დეპუტატის გაწვევის შესახებ, საქართველოს სსრ კონსტიტუციის 138-ე მუხლის თანახმად ყოველი საზოგადოებრივი ორგანიზაციისათვის, ისევე როგორც საქართველოს სსრ ყოველი მოქალაქისათვის უზრუნველყოფილია დაუბრკოლებელი აგიტაციის უფლება დეპუტატის გაწვევის სასარგებლოდ ან წინააღმდეგ.

მუხლი 7. დეპუტატის გაწვევის შესახებ კენჭისყრის დროს ამ კანონის შესრულებისადმი თვალყურის სადევნებლად და კენჭისყრის შედეგების განსაზღვრისათვის შესაბამის საარჩევნო ოლქში იქმნება საოლქო კომისია მშრომელთა საზოგადოებრივი ორგანიზაციებისა და საზოგადოებების წარმომადგენელთაგან, აგრეთვე მშრომელთა საერთო კრებების წარმომადგენელთაგან: საოლქო, რაიონულ და საქალაქო საბჭოს დეპუტატის გაწვევისას — კომისიის თავმჯდომარის, თავმჯდომარის მოადგილის, მდივნისა და 2—6 წევრის შემადგენლობით, ხოლო სასოფლო და სადაბო საბჭოს დეპუტატის გაწვევისას კი საარჩევნო ოლქში — თავმჯდომარის, მდივნის და ერთი წევრის შემადგენლობით.

მშრომელთა დეპუტატების საოლქო, რაიონული, საქალაქო, სასოფლო და სადაბო საბჭოს დეპუტატის გაწვევის შესახებ კენჭისყრის მომწყობ საოლქო კომისიას ამტკიცებს მშრომელთა დეპუტატების შესაბამისი საბჭოს აღმასრულებელი კომიტეტი.

მუხლი 8. ამომრჩეველთა კრებების ოქმებში აღინიშნება კრების დრო და ადგილი, კრებაზე დამსწრე ამომრჩეველთა რაოდენობა, დეპუტატის გაწვევის სასარგებლოდ ან წინააღმდეგ მიცემული ხმების რაოდენობა.

ამომრჩეველთა კრების ოქმს ხელს აწერს კრების პრეზიდიუმის ყველა წევრი და იგი სამი დღის ვადაში წარედგინება დეპუტატის გაწვევის შესახებ კენჭისყრის მომწყობ საოლქო კომისიას.

მუხლი 9. დეპუტატის გაწვევის შესახებ კენჭისყრის მომწყობი საოლქო კომისია ამომრჩეველთა კრებების ოქმების საფუძველზე დაითვლის დეპუტატის

გაწვევის სასარგებლოდ ან წინააღმდეგ ოლქში მიცემულ ხმებს და არკვევს
ვევის შესახებ კენჭისყრის შედეგებს.

საოლქო კომისია დეპუტატის გაწვევის შესახებ კენჭისყრის შედეგების
ოქმს წარუდგენს მშრომელთა დეპუტატების შესაბამის საბჭოს აღმასრულებელ
კომიტეტს.

მუხლი 10. მშრომელთა დეპუტატების საოლქო, რაიონული, საქალაქო,
სასოფლო და სადაბო საბჭოს დეპუტატი გაწვეულად ითვლება თუ გაწვევას
ხმა მისცა ამ საარჩევნო ოლქის ამომრჩეველთა უმრავლესობამ.

მუხლი 11. დეპუტატის გაწვევის შესახებ კენჭისყრის შედეგებს მისი გან-
საზღვრის შემდეგ არაუგვიანეს ხუთი დღისა აქვეყნებს დეპუტატის გაწვევის
შესახებ კენჭისყრის მომწყობი საოლქო კომისია.

მუხლი 12. მშრომელთა დეპუტატების საოლქო, რაიონული, საქალაქო,
სასოფლო და სადაბო საბჭოს დეპუტატის გაწვევის შესახებ კენჭისყრის დროს
ამ კანონის დარღვევის გამო საჩივრებს განიხილავს დეპუტატის გაწვევის შესა-
ხებ კენჭისყრის მომწყობი საოლქო კომისია.

დეპუტატის გაწვევის შესახებ კენჭისყრის მომწყობი საოლქო კომისიის
არასწორი მოქმედების გამო საჩივრებს განიხილავს მშრომელთა დეპუტატების
შესაბამისი საბჭოს აღმასრულებელი კომიტეტი.

საქართველოს სსრ უმაღლესი საბჭოს პრეზიდიუმის თავმჯდომარე **ბ. ძოწანიძე**.

საქართველოს სსრ უმაღლესი საბჭოს პრეზიდიუმის მდივანი **ზ. ბაღდაშვილი**.

ქ. თბილისი, 1960 წლის 25 ივნისი.

კ ა ნ ო ნ ი

65 „საქართველოს სსრ სამოქალაქო სამართლის საპროცესო კო-
დექსში ცვლილებების შეტანის თაობაზე“ საქართველოს სსრ
უმაღლესი საბჭოს პრეზიდიუმის ბრძანებულების დამტკიცების
შესახებ

საქართველოს საბჭოთა სოციალისტური რესპუბლიკის უმაღლესი საბჭო
ადგენს:

დამტკიცდეს საქართველოს სსრ უმაღლესი საბჭოს პრეზიდიუმის 1960
წლის 22 თებერვლის ბრძანებულება „საქართველოს სსრ სამოქალაქო სამართ-
ლის საპროცესო კოდექსში ცვლილებების შეტანის შესახებ“.

საქართველოს სსრ უმაღლესი საბჭოს პრეზიდიუმის თავმჯდომარე **ბ. ძოწანიძე**.

საქართველოს სსრ უმაღლესი საბჭოს პრეზიდიუმის მდივანი **ზ. ბაღდაშვილი**.

ქ. თბილისი, 1960 წლის 25 ივნისი.



66 „საქართველოს სსრ შინაგან საქმეთა საკავშირო-რესპუბლიკურ სამინისტროს საქართველოს სსრ შინაგან საქმეთა რესპუბლიკურ სამინისტროდ გარდაქმნის თაობაზე“ საქართველოს სსრ უმაღლესი საბჭოს პრეზიდიუმის 1960 წლის 22 თებერვლის ბრძანებულების დაგმობის და საქართველოს სსრ კონსტიტუციის (ძირითადი კანონის) 55-ე და 56-ე მუხლებში ცვლილებების შეტანის შესახებ

საქართველოს საბჭოთა სოციალისტური რესპუბლიკის უმაღლესი საბჭო ადგენს:

დამტკიცდეს საქართველოს სსრ უმაღლესი საბჭოს პრეზიდიუმის 1960 წლის 22 თებერვლის ბრძანებულება „საქართველოს სსრ შინაგან საქმეთა საკავშირო-რესპუბლიკური სამინისტროს საქართველოს სსრ შინაგან საქმეთა რესპუბლიკურ სამინისტროდ გარდაქმნის შესახებ“.

ამასთან დაკავშირებით საქართველოს სსრ კონსტიტუციის 55-ე მუხლიდან ამოღებულ იქნას სიტყვები: „შინაგან საქმეთა“ და 56-ე მუხლში სიტყვების: „სოციალური უზრუნველყოფისა“ შემდეგ დაემატოს სიტყვები: „შინაგან საქმეთა“.

საქართველოს სსრ უმაღლესი საბჭოს პრეზიდიუმის თავმჯდომარე ვ. ძოწენიძე.

საქართველოს სსრ უმაღლესი საბჭოს პრეზიდიუმის მდივანი ზ. ბაღდაშვილი.

ქ. თბილისი, 1960 წლის 25 ივნისი.

67 „საქართველოს სსრ სტატისტიკური სამმართველოს საქართველოს სსრ მინისტრთა საბჭოსთან არსებულ ცენტრალურ სტატისტიკურ სამმართველოდ გარდაქმნის თაობაზე“ საქართველოს სსრ უმაღლესი საბჭოს პრეზიდიუმის ბრძანებულების დაგმობის და საქართველოს სსრ კონსტიტუციის (ძირითადი კანონის) 50-ე მუხლში ცვლილების შეტანის შესახებ

საქართველოს საბჭოთა სოციალისტური რესპუბლიკის უმაღლესი საბჭო ადგენს:

დამტკიცდეს საქართველოს სსრ უმაღლესი საბჭოს პრეზიდიუმის 1960 წლის 6 ივნისის ბრძანებულება „საქართველოს სსრ სტატისტიკური სამმართველოს საქართველოს სსრ მინისტრთა საბჭოსთან არსებულ ცენტრალურ სტატისტიკურ სამმართველოდ გარდაქმნის შესახებ“.

ამასთან დაკავშირებით შეტანილ იქნას შესაბამისი ცვლილება საქართველოს სსრ კონსტიტუციის 50-ე მუხლში და ეს მუხლი ჩამოყალიბდეს შემდეგნაირად:

„**უხლი 50.** საქართველოს სსრ-ის უმაღლესი საბჭო ქმნის საქართველოს
სსრ-ის მინისტრთა საბჭოს შემდეგი შემადგენლობით:

საქართველოს სსრ-ის მინისტრთა საბჭოს თავმჯდომარე;
საქართველოს სსრ-ის მინისტრთა საბჭოს თავმჯდომარის პირველი მოად-
გილები;

საქართველოს სსრ-ის მინისტრთა საბჭოს თავმჯდომარის მოადგილები;
საქართველოს სსრ მინისტრები;

საქართველოს სსრ მინისტრთა საბჭოს სახელმწიფო საგეგმო კომისიის
თავმჯდომარე;

საქართველოს სსრ მინისტრთა საბჭოსთან არსებული სახელმწიფო უშიშ-
როების კომიტეტის თავმჯდომარე;

საქართველოს სსრ მინისტრთა საბჭოს საბჭოთა კონტროლის კომისიის
თავმჯდომარე;

საქართველოს სსრ მინისტრთა საბჭოს მშენებლობისა და არქიტექტურის
საქმეთა სახელმწიფო კომიტეტის თავმჯდომარე;

საქართველოს სსრ მინისტრთა საბჭოს სახელმწიფო სამეცნიერო-ტექნიკუ-
რი კომიტეტის თავმჯდომარე;

საქართველოს სსრ მინისტრთა საბჭოს უმაღლესი და საშუალო სპეციალუ-
რი განათლების სახელმწიფო კომიტეტის თავმჯდომარე;

საქართველოს სსრ მინისტრთა საბჭოსთან არსებული ცენტრალური სტა-
ტისტიკური სამმართველოს უფროსი;

საქართველოს სსრ მინისტრთა საბჭოს შემადგენლობაში შედიან ავტონო-
მიური რესპუბლიკების მინისტრთა საბჭოების თავმჯდომარეები თანამდებო-
ბის მიხედვით“.

საქართველოს სსრ უმაღლესი საბჭოს პრეზიდიუმის თავმჯდომარე ბ. ძოწენიძე.
საქართველოს სსრ უმაღლესი საბჭოს პრეზიდიუმის მდივანი ზ. ბეღლიაშვილი.

ქ. თბილისი, 1960 წლის 25 ივნისი.

დადგენილება საქართველოს სსრ უმაღლესი საბჭოსი

68 ანხ. ბ. ნ. ჯიბლაძის საქართველოს სსრ განათლების მინისტრის
თანამდებობისაგან განთავისუფლების თაობაზე საქართველოს
სსრ უმაღლესი საბჭოს პრეზიდიუმის ბრძანებულების დასაბუთების
შესახებ

საქართველოს საბჭოთა სოციალისტური რესპუბლიკის უმაღლესი საბ-
ჭო ადგენს:

დამტკიცდეს საქართველოს სსრ უმაღლესი საბჭოს პრეზიდიუმის 1960
წლის 28 აპრილის ბრძანებულება ანხ. გიორგი ნიკოლოზის ძე **ჯიბლაძის** გან-

თავისუფლების შესახებ საქართველოს სსრ განათლების მინისტრის თანამდებობისაგან სხვა სამუშაოზე გადასვლის გამო.



საქართველოს სსრ უმაღლესი საბჭოს პრეზიდიუმის თავმჯდომარე ბ. ძოწანიძე.

საქართველოს სსრ უმაღლესი საბჭოს პრეზიდიუმის მდივანი ზ. ბელდიუაშვილი.

ქ. თბილისი, 1960 წლის 25 ივნისი.

დადგინდება საქართველოს სსრ უმაღლესი საბჭოსი

69 ანხ. თ. ვ. ლაშქარაშვილის საქართველოს სსრ განათლების მინისტრად დანიშვნის თაობაზე საქართველოს სსრ უმაღლესი საბჭოს პრეზიდიუმის ბრძანებულების დამტკიცების შესახებ

საქართველოს საბჭოთა სოციალისტური რესპუბლიკის უმაღლესი საბჭო ადგენს:

დამტკიცდეს საქართველოს სსრ უმაღლესი საბჭოს პრეზიდიუმის 1960 წლის 28 აპრილის ბრძანებულება ანხ. თამარ ვასილის ასულ ლაშქარაშვილის საქართველოს სსრ განათლების მინისტრად დანიშვნის შესახებ.

საქართველოს სსრ უმაღლესი საბჭოს პრეზიდიუმის თავმჯდომარე ბ. ძოწანიძე.

საქართველოს სსრ უმაღლესი საბჭოს პრეზიდიუმის მდივანი ზ. ბელდიუაშვილი.

ქ. თბილისი, 1960 წლის 25 ივნისი.

დადგინდება საქართველოს სსრ უმაღლესი საბჭოსი

70 ანხ. გ. დ. შორშიკაშვილის საქართველოს სსრ მინისტრთა საბჭოსთან არსებული ცენტრალური სტატისტიკური სამმართველოს უფროსად დანიშვნის თაობაზე საქართველოს სსრ უმაღლესი საბჭოს პრეზიდიუმის ბრძანებულების დამტკიცების შესახებ

საქართველოს საბჭოთა სოციალისტური რესპუბლიკის უმაღლესი საბჭო ადგენს:

დამტკიცდეს საქართველოს სსრ უმაღლესი საბჭოს პრეზიდიუმის 1960 წლის 13 ივნისის ბრძანებულება ანხ. გრიგოლ დავითის ძე შორშიკაშვილის საქართველოს სსრ მინისტრთა საბჭოსთან არსებულ ცენტრალურ სტატისტიკურ სამმართველოს უფროსად დანიშვნის შესახებ.

საქართველოს სსრ უმაღლესი საბჭოს პრეზიდიუმის თავმჯდომარე ბ. ძოწანიძე.

საქართველოს სსრ უმაღლესი საბჭოს პრეზიდიუმის მდივანი ზ. ბელდიუაშვილი.

ქ. თბილისი, 1960 წლის 25 ივნისი.



71 ამხ. დ. ა. ივაზიანიას საქართველოს სსრ უმაღლესი საბჭოს კრეზიდუმი წევრის მოვალეობისაგან განთავისუფლების შესახებ

საქართველოს საბჭოთა სოციალისტური რესპუბლიკის უმაღლესი საბჭო ადგენს:

განთავისუფლდეს ამხ. დიმიტრი ანდრიას ძე ივაზიანიას საქართველოს სსრ უმაღლესი საბჭოს კრეზიდუმის წევრის მოვალეობისაგან სამუშაოდ რესპუბლიკის გარეთ გადასვლის გამო.

საქართველოს სსრ უმაღლესი საბჭოს პრეზიდიუმის თავმჯდომარე ბ. ძოწანიძე.

საქართველოს სსრ უმაღლესი საბჭოს პრეზიდიუმის მდივანი ზ. ზედაძე.

ქ. თბილისი. 1960 წლის 25 ივნისი.

დადგენილება საქართველოს სსრ უმაღლესი საბჭოსი

72 ამხ. ი. ბ. პავლოვის საქართველოს სსრ უმაღლესი საბჭოს კრეზიდუმი წევრად არჩევის შესახებ

საქართველოს საბჭოთა სოციალისტური რესპუბლიკის უმაღლესი საბჭო ადგენს:

არჩეულ იქნას ამხ. ივანე გრიგოლის ძე პავლოვი საქართველოს სსრ უმაღლესი საბჭოს პრეზიდუმის წევრად.

საქართველოს სსრ უმაღლესი საბჭოს პრეზიდიუმის თავმჯდომარე ბ. ძოწანიძე.

საქართველოს სსრ უმაღლესი საბჭოს პრეზიდიუმის მდივანი ზ. ზედაძე.

ქ. თბილისი. 1960 წლის 25 ივნისი.

განყოფილება მეორე

ბრძანებულება საქართველოს სსრ უმაღლესი საბჭოს კრეზიდუმისა

73 საქართველოს სსრ დამსახურებული გამომგონებლისა და საქართველოს სსრ დამსახურებული რაციონალიზატორის საპატიო წოდებების მინიჭების შესახებ

თვალსაჩინო გამოგონებებისა და რაციონალიზატორული წინადადებებისათვის, რომელთა სახალხო მეურნეობაში დანერგვამ მნიშვნელოვანი ეკონომიური ეფექტი მოგვცა მიენიჭოთ საპატიო წოდება:

საქართველოს სსრ დამსახურებული გამომგონებლისა

1. მიხეილ გიორგის ძეს ახალაიას — აფხაზეთის ასსრ რესპუბლიკური საავადმყოფოს განყოფილების გამგეს.

2. შალვა ფილიპოს ძე **მარდაღიშვილს**—საქართველოს სსრ სახალხო მეურნეობის საბჭოს ჩაის მრეწველობის სამეცნიერო-კვლევითი ინსტიტუტის ინჟინერ-კონსტრუქტორს.

3. გიორგი ივანეს ძე **ფანცულაიას**—ტრესტ „ჭიათურმარგანეცის“ კაპიტალური მშენებლობის სამმართველოს მთავარ ინჟინერს.

4. ევგენი დიმიტრის ძე **სოლომკოს** — თბილისის თამბაქოს № 1 ფაბრიკის მექანიკოსს.

5. ვიქტორ პავლეს ძეს **შარკოვსკის** — საქართველოს სსრ სახალხო მეურნეობის საბჭოს ჩაის მრეწველობის სამეცნიერო-კვლევითი ინსტიტუტის უფროს მეცნიერ-თანამშრომელს.

საქართველოს სსრ დამსახურებული რაციონალიზატორისა

1. არტაშ ნერსესის ძე **ბადაღოვს**—თბილისის მაუდ-კამოლის კომბინატის „საბჭოთა საქართველოს“ უფროს კონსტრუქტორს.

2. ზაქარია ვასილის ძე **გელაშვილს**—ავჯალის ვ. ი. ლენინის სახელობის შუშის ქარხნის მექანიკოსს.

3. იური გიორგის ძე **ნარიმანიძეს**—ი. ბ. სტალინის სახელობის ამიერკავკასიის მეტალურგიული ქარხნის ზეინკალთა ბრიგადირს.

4. დავით თომას ძე **უსეინაშვილს**—საქართველოს სოფლის მეურნეობის სამეცნიერო-კვლევითი ინსტიტუტის უფროს მეცნიერ-თანამშრომელს.

5. იოსებ გრიგოლის ძე **ხაზარაძეს**—ქუთაისის გ. ნ. ორჯონიკიძის სახელობის ავტო-ქარხნის ზეინკალ-ამწყობს.

საქართველოს სსრ უმაღლესი საბჭოს პრეზიდიუმის თავმჯდომარე **ბ. ძოწინიძე**.

საქართველოს სსრ უმაღლესი საბჭოს პრეზიდიუმის მდივანი **ზ. ბელდიავილი**.

ქ. თბილისი. 1960 წლის 18 ივნისი.

ბრძანებულია საქართველოს სსრ უმაღლესი საბჭოს პრეზიდიუმისა

74 **ქუთაისის ლ. მისხიშვილის სახელობის სახელმწიფო დრამატული თეატრის მუშაკთათვის საპატიო წოდებების მინიჭების შესახებ**

ქართული თეატრალური ხელოვნების განვითარების საქმეში თვალსაჩინო დამსახურებისა და ხანგრძლივი შემოქმედებითი მოღვაწეობისათვის მიენიჭოთ საპატიო წოდება:

საქართველოს სსრ სახალხო არტისტისა

1. იპოლიტე ალექსანდრეს ძე **ხვიჩიას** — მსახიობს, საქართველოს სსრ დამსახურებულ არტისტს.

1. დიდიმ ვიქტორის ძე კეიშვილს — დირექტორ-განმკარგულებელს, ქისორს.

საქართველოს სსრ დამსახურებული არტიტისა

1. ვლადიმერ რომანოვის ძე გვენცაძეს — მსახიობს
2. ჩეთევან ვარლამის ასულ კოლხიდელს (ნაჭყებიას) — მსახიობს
3. გრიგოლ ალექსანდრეს ძე ნაცვლიშვილს — მსახიობს
4. მიხეილ ვეგენის ძე სვანიძეს — მსახიობს
5. ალექსანდრე პავლეს ძე ქელბაქიანს — მსახიობს
6. ალექსანდრე ალექსანდრეს ძე ჩიქვინიძეს — მსახიობს.

საქართველოს სსრ უმაღლესი საბჭოს პრეზიდიუმის თავმჯდომარე ბ. ძოწანიძე.

საქართველოს სსრ უმაღლესი საბჭოს პრეზიდიუმის მდივანი ზ. გელდიუშვილი.

ქ. თბილისი. 1960 წლის 21 ივნისი.

დადგენილება საქართველოს სსრ უმაღლესი საბჭოს პრეზიდიუმისა

75 „სსრ კავშირის უმაღლესი საბჭოს უწყებების“ ქართულ ენაზე გამოცემისა და საქართველოს სსრ უმაღლესი საბჭოს აქტების გამოქვეყნების საქმის გაუმჯობესების თაობაზე“ საქართველოს სსრ უმაღლესი საბჭოს პრეზიდიუმის 1960 წლის 6 აპრილის დადგენილებაზე ცვლილებების შემტანის შესახებ

საქართველოს სსრ რესპუბლიკის უმაღლესი საბჭოს პრეზიდიუმის 1960 წლის 6 აპრილის დადგენილების ნაწილობრივ შესაცვლელად საქართველოს სსრ უმაღლესი საბჭოს პრეზიდიუმი ადგენს:

1. „საქართველოს სსრ უმაღლესი საბჭოს უწყებები“ 1960 წლის 20 ივნისიდან გამოიცეს ათ დღეში ერთხელ.

უზრუნველყოფილ იქნას „საქართველოს სსრ უმაღლესი საბჭოს უწყებებში“ სსრ კავშირის კანონების, სსრ კავშირის უმაღლესი საბჭოს და მისი პალატების დადგენილებების და სხვა აქტების, სსრ კავშირის უმაღლესი საბჭოს პრეზიდიუმის ბრძანებულებებისა და დადგენილებების, სსრ კავშირის უმაღლესი საბჭოს პრეზიდიუმის მიერ რატიფიცირებული ხელშეკრულებების, კონვენციებისა და შეთანხმებების, აგრეთვე ზოგიერთი საინფორმაციო ცნობების გამოცემა ქართულ ენაზე.

საკავშირო მნიშვნელობის ყველა აქტი გამოქვეყნდეს „საქართველოს სსრ უმაღლესი საბჭოს უწყებების“ პირველ ნაწილში, ხოლო რესპუბლიკური მნიშვნელობისა — მეორე ნაწილში.



2. 1960 წლის 1 ივლისიდან დადგენილ იქნას „საქართველოს სსრ უმაღლესი საბჭოს უწყებების“ ხელმოწერის ფასი და მოწესრიგებულ იქნას მასზე ხელმოწერა.

საქართველოს სსრ უმაღლესი საბჭოს პრეზიდიუმის თავმჯდომარე ბ. ძოწინიძე,
 საქართველოს სსრ უმაღლესი საბჭოს პრეზიდიუმის მდივანი ზ. ბაღდაშვილი.

ქ. თბილისი, 1960 წ. 25 ივნისი.

დადგენილება საქართველოს სსრ უმაღლესი საბჭოს პრეზიდიუმისა

**76 ადგიანის რაიონის სახალხო მოსამართლის თანამდებობიდან
 3. ს. გოგოლაძის გაწვევის შესახებ**

საქართველოს სსრ უმაღლესი საბჭოს პრეზიდიუმი ადგენს:
 გაწვეულ იქნას ჰენრიხ სერგოს ძე გოგოლაძე ადგიანის რაიონის სახალხო მოსამართლის თანამდებობიდან უკანონო განაჩენების გამოტანისათვის.

საქართველოს სსრ უმაღლესი საბჭოს პრეზიდიუმის თავმჯდომარე ბ. ძოწინიძე,
 საქართველოს სსრ უმაღლესი საბჭოს პრეზიდიუმის მდივანი ზ. ბაღდაშვილი.

ქ. თბილისი, 1960 წლის 25 ივნისი.

გ ა ნ უ ი ზ ი ლ ე ბ ა მ ე ს ა მ ი

ს ა ი ნ უ ო რ მ ა ც ი ო ც ნ ო ბ ა

**მ რ ა ვ ა ლ შ ვ ი ლ ი ა ნ ი დ ა დ ა ბ ის „ს ა ხ ა ლ ო ვ ა ნ ი დ ა დ ის“ ო რ დ ე ნ ა ბ ი ტ ა
 დ ა „დ ე დ ო ბ ის მ ე დ ლ ის“ მ ე დ ლ ა ბ ი ტ დ ა ჯ ი ლ დ ო ა ბ ის შ ე ს ა ხ ე ბ ა**

სსრ კავშირის უმაღლესი საბჭოს პრეზიდიუმის 1944 წლის 18 აგვისტოს ბრძანებულების საფუძველზე, საქართველოს სსრ უმაღლესი საბჭოს პრეზიდიუმი 1960 წლის 25 ივნისის ბრძანებულებით „სახელოვანი დედის“ ორდენებითა და „დედობის მედლის“ მედლებით დააჯილდოვა 569 მრავალშვილიანი დედა, მათ შორის:

ქ. თბილისიდან	36
ასპინძის რაიონიდან	14
ახმეტის	„	„	„	„	„	19
ბოგდანოვკის	„	„	„	„	„	32
გორის	„	„	„	„	„	9
დმანისის	„	52
ზესტაფონის	„	26

თელავის	რაიონიდან	8
ლაგოდეხის	"	21
ლანჩხუთის	"	13
მაიაკოვსკის	"	18
ონის	"	20
სიღნაღის	"	5
ტყიბულის	"	4
ქარელის	"	16
ყვარლის	"	10
ჩოხატაურის	"	8
ცხაკაიას	"	10
წალენჯიხის	"	73
წყალტუბოს	"	24
წალკის	"	28
ზობის	"	16
სამხრეთ ოსეთის ა/ო.	47
